

三十六灣草廬稿

三十六灣草廬稿卷七

寧鄉

黃本麒麟志

同龔二雲濤赴宜章應陳固

蘇大希家

修志之

聘次雲濤韻

邊陲拓地說蕭王隋日荒淫羽檄翔

隋末蕭銑鳴鳳中置義章

五嶺

雄分三楚盡入排險接一夫當

入排險在連州

風謠採舊添間

史文字傳荷到海鄉遠樹連天鳴櫂去秋雲千疊雁聯

行

附原作

龔立海

十載高臺傍定王秋空一雁又南翔
漸無楚典復難

次喜有神風借馬當久別山疑逢舊友慣遊人似未
離鄉不知都尉當年柳故壘蕭蕭賸幾行

先都尉公
會守宜章

夜發長沙

明星何摇摇行人起夜半營室無晶光離宮紛雨畔秋
風別室家安逃天所算駸女黯無言淚滴機絲斷癡牛
不縛輓瞠眼隔河看造父車奔馳王良策凌亂咄哉九
析津如船橫絕漢載我遠離愁夜越瀟湘岸鳴船生風
濤離夢半飄散煙宵空江空擁衾坐待旦鈎月忽墮水
遠聽荒雞喚

贈龔雲濤

勁翮凌秋捷翻鵠才氣推君最排界平生兩脚千輪蹏
風霜飽鍊冰鐵貌自言將種骨相殊秃尾嘶風盤馬稍
懸河奔注捫蝨談廣座名流盡籠罩冲襟納俗仍圓融
高眼瞰古獨精到山磨水淬生英思石裂金鏗唱雅調
苦心力戛正始音一字不屑前人盜百年文獻缺萆稽
瘴嶺鶴書忽飛召走也十倍遜君才疆拉同鼓郴江櫂
我聞志邑如志國風土淳漓民則倣何事文藻森鋪張
政須緊嚴入典要元和郡縣徒胥鈔桂海虞衡僅詩料
君雖肉譜追倉曹我未書癡半袁豹地理詎殫扶風長
那國難窺馬彪奧來提鉉聚親編摩庶第甲乙佐梁校

譬彼拜將君登壇快屬櫜鍵逐麾纛推篷一笑爲君語
雪捲江聲吼萬竅

次韻

龔立海

魯連爪觜矜黃鵠到眼黃童九兀界摩天巨刃揮霜
鋒裼裘久折虬髯貌綺年仗劍東入吳盤馬彎弓時
奪稍歐陽門下數晨昏

嘉慶戊辰會賓谷夫子陳
泉湘中與花鬆同遊門下意

氣儘把羣英罩元方季方古云難

謂令弟
虎凝

不數雙丁

與二到推襟送抱逐雲龍前喁後于賡同調巴山漢
水吾家詩寧屑元纖明剽盜陳蕃解榻遠延賓茅容
拜母同應召君才何止十倍丕榜人今夕歌同權史

難作志聞江淹紀月編年紛倣倣青芝赤箭雖良材
佳處惟須領其要龔黃並稱恰偶合韓孟聯吟豈意
料頭白我慚遼東豕文蔚君本南山豹魏收穢史有
前車相期同入古窰與餓夫爲將吾豈敢魯魚帝虎
差堪校井陘旗鼓行前輪君高驥與大纛此行大
屬文半緣五石休嗤瓠無筴

湘行雜詩八首

帆拽秋江迷客風廿年飽臥一孤蓬麓峯怕我添離恨
避入蒼烟翠靄中

曉程江驛遞郵籤洗眼玻璃水一奩倒影昭山清鏡裡

片帆飛過綠雲尖

層層塢影裏晴嵐遠水鋪秋瀉
蔚藍樹外青旗人賣酒
半江落葉過湘潭

花石城邊紅漲天楊梅洲外綠吹烟
沂灘一葉風催上
快意何輸下水船

杜老曾題石上苔鄰鄰鑿石浦
滌洞高吟新詠
九百餘年我後來

淶口涓涓水齧脣醴陵秋色接湘濱
何時香塚尋紅拂
不弔英雄弔美人

斜日鴉翻社廟前疎疎垂柳半堤烟
空江翠墮衣衫冷

人與秋山共一船

離魂飄蕩水雲鄉
高枕難眠舊草堂
又被西風吹斷夢
送將秋雁到衡陽

經嶽下作二首

紫蓋飛擎七二旒
蕩搖雲氣下孤舟
嵩恆岱嶽分雄鎮
河濟江淮降列侯
九面白蒸三楚雨
重霄青塞一峯秋
凌風欲拄仙人杖
放眼南嶽衣帶流

遠樹蕭疎楚塞涼
芙蓉拔地染秋霜
慙非宰相分煨芋
恐有神仙喚賣薑
旅夢和雲吹縹渺
行人隨雁入青蒼
鬚眉素與山靈識
茅屋居隣嶽麓旁

同作

龔立海

鐵脚無因踏上方帆隨雁影轉清湘雄蟠楚塞環三
郡高鎮炎荒祀百主九面陰陽分向背半空雷雨下
青蒼登臨我欲窮滄海觀日還騎赤鳳凰

雲海茫茫盡劫塵高空去地幾由旬白衣未竟匡扶
策紫蓋真同偃強人神禹碑難尋舊蹟懶殘僧定是
前身辦香擬下靈宮拜霖雨端期壽此民

登合江亭讀韓吏部詩碑用韓韻

雲水契夙緣落手勞操左一鼓恃圓石薜花繡碧唾踞
江扼關鍵拱嶽森校佐林烟棲鵲鶯權火泊販貨二水

合蒸湘過斷橫流過飛亭冠其巔歸然壓石挫碑嵌昌
黎詩聲牙韻窘和綠淨語驚眸驪珠耀五箇遠謫陽山
歸秀句出坎壈禹碑絕險探嶽寺開雲臥道闡佛老闢
學紹朱張課嗟我世無名誰識伯休那心馨前賢豪胆
振後生懦石墨南軒書椎榻少流播鼎鬲來親嘗枵腹
喜充餓聯句難希郊嘔心敢效賀面碣攄精誠鼓勇策
燭情石氣潤生亭練光清照座一聲何處鐘江雲忽打
破回首雁峯翔蒼翠滌無浣

題合江亭

醜酒江夢石離鴻遠斷羣亭皋空落葉今古此斜曛一

鼓青無恙雙流綠不分昌黎詩碣在搔鬢望衡雲

耒陽雜詩四首

銷磨竹冊篆蟲魚文字奇開白石虛一笑秦灰燒不盡

六經紙貴漢家書

蔡黃門

赤伏炎銷漢業荒鼎分一臂竟先亡蜀雲翼折傷雛鳳

百里何如臥耒陽

龐士元

蘭菊叢秋繞宅生文章吞鳥夢飛鳴風流不人邨生幕

也署叅軍佐老兵

羅君章

碑石銘功事渺茫山開侯計遠蒼蒼崑崙夜破張燈宴

儒將名欽欽武襄

狄武襄

耒陽中秋

倚閭慈母隔清湘
弟客辰陽我耒陽
同此一輪明月色
分將三地照秋光
橫江遠樹征帆渺
渡嶺寒雲去雁翔
醉枕船舷拚熟睡
團團隨夢夜還鄉

過杜工部墓

昌黎過耒陽尋少陵祠堂七言長古
一章實其爲水死見一統志箋韓詩

者多
失收

積雲壓秋秋欲死
嗚咽寒流葬詩史
不將吟骨埋青山
要把靈光化秋水
或酒誣傳耒陽令
殞遷疑說宗武子
元稹碑銘定假飾
昌黎詩筆知終始
吁嗟乎汨羅香渺
屈靈均采石月冷
謫仙人先生又騎鯨
魚去西風千載

煙江暮故人鬼語王豕日新詩夢寫秋遵度馬鬣空窆
荒蕪寒雲幡繚繚歸何處靴洲流月月無聲招魂吟斷
楚天樹

觀音巖

在永興

飛青矗矗開巉嶠縹緲五雲結樓閣透空誰運神斤修
劈石定頻雷斧鑿巖華高湧水月光森然寶相垂瓔珞
似聞菩提發妙香半空簌簌天花落飛龍蟠頂麟衙衙
馴象蹲厓眼矐矐江心忽驚獅子吼石挾山掀勢擎攬
懸梯千尺倚秋雲試踏初枕一騰躍舉手時摘瑤草莖
聳身高踞蓮花萼人天兩界瞰危欄峯巒四面捲飛箔

嗟我墮落圖浮提茫茫天親總無着六根不洗塵海塵
一帆難渡弱水弱紺林偃臥緣久怪飛鳴羨殺頻伽鵲
頗怪山僧亦世情口釋毗曇大張棗清齋雖設八關嚴
魔天未解四禪縛南膜我欲豎一義踢翻鸚鵡捶黃鶴
拈花座上應微笑小廝宛有大人作

承興道中

詭譎殊無定奇峯湧似濤秋容分客瘦詩骨傲山高野
氣沉千樹灘聲聚一篙臨流慨行邁顧影亦蕭騷

同作

龔立海

吟魂驚不定奇鬼石當關萬眼降窠聚苔痕竹淚斑

陰巖呼老鶴獨樹立重山待訪唐賢蹟荒榛苦未刪

郴江覽古

逐鹿分疆置小邦榛蕪滿目水淙淙怒灘挾石鳴千騎
怪嶺穿雲樹萬幢老木秋風吹便縣荒陵落日冷郴江
行人吟弔蒼茫外怨咽寒流氣未降

郴舟夜望

鐵骨磨秋色童童立萬峯殘雲樓絕壑落月挂孤松破
星孤鳴火荒庵鬼拜鐘潺湲下水猶認侍郎蹤侍郎
窠在

永興上流五十餘里
以昌黎泊舟得名

同作

龔立海

暝色遙空下推篷獨望時
灘流春月碎人語出烟遲
敗店鳴饑鼠荒林歎病鴟
壓船天水黑峯影太離奇

到郴州

黯黯征雲過荒荒暮靄屯
懸巖巢鶴雀欹樹落猢猻水
盡三湘路山開百粵門
角聲林外驛吹斷旅人魂

郴州雜詩四首

井頭橘葉墜秋風畫板詩
傳鶴爪工我愧終年艱菽水

曾無一櫃借仙翁

蘇耽

桃花流水筆淋漓
石墨香飛薜蘿垂
書扇詞傷人已矣

尙留名照黨人碑

秦少游桃花流水四大字刻蘇仙嶺白鹿洞中

絕句才名獨冠時編詩葺志兩傳疑千秋刺史清風在
誰續柳陽百詠詩厲樊榭宋詩紀事載郴州刺史阮閱
字閑舒城人有柳陽百詠詩廣輿記
有阮美成號阮絕句無闕名
郴州志職官表又無美成名
升庵滇海謫重重泣闕同時忤世宗翻喜先生歸削籍
一編新錄敘餘冬何文簡

自郴州山行至宜章二首

襖被辭柳陽萼食曉充餓石路紛坡陀籃輿苦掀簸連
山解畱人蒼翠四遮邏高聳千獅蹲低偃一蠶臥登陟
愁聯緣迅捷羨鳥過汗洗雙肩頰嘆彼役夫瘳囊捫炎
嶠珍屬寒鬼國貨隊隊鳴騾綱行行轉蟻磨忽憶長安

道秋風響鈴馱沙飛面目黧緇化衣裾浣故人淩雲霄
賤子困塵埃浮雲停北征而又此南播欲賡莊舄吟遠
寄海人和

宵征宿良田

名驛

旦發登摺嶺騎田分一支五嶺繪小影

湘楚近扼關粵海遠樹屏林岵盤尻雕蘿石裂疏嬰振
衣摩其巔雙眼豁然騁上界天澄清下界氣森冷迤邐
及山腹便入宜章境曉煙炊千村秋雲刈萬頃峯巒包
絡中另闢一風景山水開秀靈人物出清醴有明昔中
衰烽告也先警鑿興蒙土木璫寺實項領桓桓鄺尙書
斷轡不得請碧流邊草寒丹照國史炳高風夙仰欽眷

茲舊鄉井

抵宜章李四菊甫

延芳

以詩見贈次韻

片帆烟月角高岑
慚拜飛鴻索賞音

菊甫得余片帆
聯吟遺書訂交

千

里秋風新握手
三年春夢舊知心
文章駢駕能爭古
嶺嶠蒼茫獨立今
笑我登壇分一幟
墨花和酒潑蘭襟

原作

李延芳

天涯意氣感蒼岑
鴈度衡南寄遠音
風雨邊城千里夢
沅湘秋水片帆心
歲時荆楚難搜古
耆舊襄陽待續今
溫段聯吟雄二妙
分麾榮敦喜題襟

次韻龔賀防汀學博

陵上

一樣學舍小於航朝爽西來挂笏涼螺子遠環山石翠
驚兒新榨酒鼻黃風清盤菡宮真冷露滴瓶薇句有香
燈底細繡菰蘆草

學博
集名

天然機杼織雲章

題章少尉蓼花伎船圖二首

秋風吹醒睡鴛鴦紅蓼灣灣一水香
艷想花邊人擲笛兜鞵閑唱杜韋娘

居然香尉擅風流鏡裡欄杆畫裡舟
一枕樊川烟月夢水嬰簫鼓譙湖州

九日王蔭三參戎

機

招譙宜韋北郭後山二首

飛燕攀林豁遠氛馬蹄殘葉踏紛紛
峯巒曉捲巖城雨

鼓角秋鳴幕府雲天外射生馳校尉山頭設射酒邊落

帽醉參軍萬株榆柳連營植大樹風高石起勲沿山植樹萬株

碑葉
焦蘇

抱郭青蒼列嶂開題饒招我上崔嵬百蠻風雨麾吟袖

玉嶺烟雲落酒杯樹繞瀧流邊地盡雁拖秋色故鄉來

將軍緩帶耽儒雅蚪蚪親撫洞碣苔是日遊良巖洞龕殘碣參戎手鈔

遊黃岑嶺麓黃岑即騎田嶺五嶺之一

跨漢高標五嶺雄青蟠炎海遠濛濛梯雲鳥道紆千折

繞磴虬松嘯半空厓丁忽開平壤畛衣冠猶見古民風

廟前杉老難名代端恐將軍祀百蟲嶺下古杉一株旁建木根廟祀白蟄

漸接路更蠻荒祀伯益爲百
蟲將軍白蟻疑卽百蟲之謁

良巖題壁

千峯萬峯秋破碎環繚黃岑互鉤帶雲根飛立開峴巖
止止連山配良位鹿廬雙屨來探奇路蹋烟蕪入蒼靄
青綠林渲鷓鴣斑腫醜石臥蝦蟇癩哆然巖闢天扉圓
眼藏頓開閃金纈沉烟鼎裊迦葉龕靈葩鉢噴曇花界
斜裂龜紋半壁枯倒垂龍骨千年蛻泠泠泉遶佛脚流
瀟灑無底漚其內呼召擬遣神魚飛警欬怕驚老驪睡
抱珠不醒啣風霆噓氣無聲吐霏霏旁懸一洞尤欽奇
巧穿巖腹出巖背蝙蝠啾鳴巢黑陰燃藁下燭駭幽怪

奇鬼森搏熊羆蹲伏弩蹶張劍鏑淬石花飛乳聲珊瑚
灑壁離繩篆倒薤偃仄步窮難前毛髮冷豎攢磔蝟
五嶽平生癖眺遊烟霞惜豁胸襟隘南來未窮滄海觀
得此邱壑頗稱快圖經三十六洞天哂笑光庭脫記載
蒼茫短袂吹仙雲渺靄寒穹落暝黛巖巔捫捥濡吟毫
流響西風奮鐘唄

同作

龔立海

馬蹄踏碎秋雲碧春夢來尋舊遊跡遙天雲壓雨脚
垂長林籜捲風聲逆繞徑泉鳴郝素筭撐巖松化康
于石礪礪幾疊龍蛻蟠鏤澁千年冶鏐積門闕敞闢

符良占大腹窵隆亦離德墨雲高擁蓮花青睨日倒
射驪珠赤溶溶霜鏡懸遊魚颭颭寒颺吼暗壁前洞
後洞分晦明出窻入窻轉逼仄天鏤神鵲蹲象獅攬
石擎人跳鬼蜮瑤簪斜矗雲根排翠蓋高張鐘乳滴
砢訇忽爾生風霆茫昧還教失咫尺水湧乍驚老龍
翻膏屯尙靳爲霖澤徒聞叅養樹五花不見馳驅車
九色蒼生霓望意正殷神物泥蟠真足惜是時佳節
共開樽作賦羣公多岸幘笑口頻看紫髯掀疎鬢寧
知紅萸側苔刪薜剔按古碑泥印沙錐辨舊刻少年
塗抹類石頑陳蹟模糊儘鏽蝕青衫痕浣尤郎當紅

袖飄零幾拂拭斜陽落葉秋蒼然竚立空山感今昔

古杉

結根黃岑嶺之麓距宜章縣東北二十餘里一株雙幹直上亭亭圍三丈高二十丈有奇

大幹輪囷小枝蜷屈蒼古奇離殆千餘年樹也

黃岑老杉何天矯古黛參秋入蒼昊駢擎苔幹雙蛟翻
孤踞霜根五人抱斑鏽磨銅蝕皴散杈枒折鐵禁屈撓
風搖襍襍蒼鳳翎影動毵毵黑蟹爪交柯豁聳愁攀援
飛蔭高擎絕棲鳥鹿松牛梓詎頡頏晉歲唐年誰究討
連理一氣爭低昂答響千秋嘯昏曉磅礴元化迴鴻濛
呵護鬼神守幽竊雲痕拖白連衡峯海氣蒸青接粵嶠
我生嗜古來摩挲如對古人早傾側冠劍森排漢官儀

髭鬚滿揖商山皓未屑秦皇庇雨風定坐將軍樹旌葆
林杪旁立臚諸孫落落中盤挺二老君不見扶風樹古
柞爲宮綈錦被飾沒荒草又不見茂陵臺高栢作梁斧
斤雕斷傷文藻何如輪囷埋山阿飽鍊烟霞養壽考

同作

龔立海

雷雨陰黑吼天半天矯雙龍齊入漢鐵臂擎雲挺夜
叉蒼鬣排風嘯老鸛混沌未經劫火焚分裂疑遭雷
斧判繡斑鱗皴太古苔支干荒忽大撓算梯雲憶昔
訪山岵烟嵐墮翠盈輕裾謝客齒折上山屐墨翟輪
回中道車卅年重踏邊城路一鶴毵毵影孤度夜月

寒侵都尉松秋風吹老將軍樹豈知靈光歸獨存不
汗不折森如故駢枝交讓分陰陽連理同根互依附
深山荒怪百靈走元氣渾淪鬱積久爪爬蝟磔鳥巢
避雪戰霜鑿鬼神守一命不屑秦官榮五柞寧甘漢
宮朽波斯浪傳西海兒博物徒矜顛遜酒滋培儘仗
大造功沉淪且共名山壽吁嗟乎張鎬九尺骨相奇
用與不用分雲泥磊砢自分老窮谷昂藏原是帝王
師

同李菊甫博士

延芳

高雪圃茂才

道明

吳可齋上

舍

簡

赴牛頭濱途中得詩四首

曉山宜章郭長亭接短亭瀑飛林杪白山壓橋簷青落
葉千侶響殘蛩一路聽西風吹撼撼客夢總難醒

書城雄李謐詩派殿高荷季重尤冲遠南皮紀嘯歌招

邀脫塵梮游眺此山阿林屋幽人住攜樽訪舊過

是日過胡

棟城家小飲

偶憇新峰寺蒼嵐踏幾重危幢盤野鵠荒澗浴靈龍佛

臥塵棲帳僧歸衲挂松鏤斑銘不辨大德九年鐘

靈龍山新

寺距宜章縣南五十餘里有元代鑄鐘銘文漫漶惟大德九年及僧嗣方字可辨

詰曲羊腸路千盤繞翠巖松枝鉤帽系雲氣蹴靴尖泉

咽石聲冷鳥啼山顛添數椽誰卜築欹樹架茆簷

牛頭濱野塲觀劇

社簃山村父老歡都曇答臘打秋殘歌翻鐵板跳磨喝
影動銀貂舞契丹擾攘雲浮行客過喧闐蟻聚看塲寬
白銅髻壓鬚鬆髮笑指鄉娃菩薩鬘

黎丈挹蘭

大葉

索詩二首

吟嘯邊城賦遠遊年年風雨隔潭州劍花吹鬢人千里

山翠飛衣月半樓

黎丈商館構山另樓

梅尉功名長隱市鷗鷺經

術在持籌蕭疎木葉樽前墮醉賞牛頭濱

土音去聲外秋

涼飈蕭颯客衣單擊唾歌酣行路難絕少囊錢罵趙壹
何妨鹽鐵問桓寬琴書久被風塵累文獻來襲志乘殘

青眼看人山色好黃岑秋望遠巘巘

贈李菊甫姬人潘淑二首

飛來姑射踏明霞倚袖樽前半面遮春釀濃香歸芍藥
天生清韻與梅花神仙恰稱文簫婦雅淡難描小玉家
却笑君虞真薄倖曾無金屋住嬌娃

雙燒銀燭照蘭房影動驚鴻淡埽粧楊柳舊根移鄂渚

潘姬武昌人

瓊花仙種出河陽不聞昔昔歌吳鹽定染星星

笑陸郎傍飲壚邊求熟醉高風還恕步兵狂

胡白齋上舍

士珩

招飲賞菊二首

無絃塵涇壁間琴日對黃花寄傲深畢竟清高歸晚節

依然醞釀抱秋心邊城落雁人初到故國持螯夢遠尋
庾幕風流勞折柬天涯搔首漫沉吟

寒香吹灑酒鱗鱗壓鬢斜簪白氎巾解向樽邊添骨韻
拚從霜裡出精神淡分秋色延高士瘦立西風看美人
醉眼瞢騰開白笑逸情誰詡葛天民

瑤琴引爲仕女賀松英作

銀壺漏滴寒宵永蠟鳳燒殘香鴨冷美人一曲弄瑤琴
春風繪出驚鴻影驚鴻動影艷如花金屋誰藏碧玉家
別鶴離鸞彈不得秋聲落響雁飛沙吟猗絳注傳幽咽
鈎抹勾挑起暗嗟瀟瀟雨唱吳娘曲颯颯霜鳴蔡女笳

蔡痴吳曲愁何許琴柱含情能解語舊夢曾驚鷓鴣蕪
芳魂怕渡鴛鴦浦香緘蘭性意難申怨抱苑心秋不吐
忽聞潑刺一聲飛亂紅紛墜桃花雨絃間細寫舊門闕
湖月光環鏡水清幽籟松風吹謾謾錯防仙字喚雲英
空幃入載惟依母怪他夫婿太無情芙蓉香瘦冰奩色
楊柳烟銷玉笛聲釵卜無憑通婉約琴心有恨訴平生
訴盡顰眉珠淚迸天涯我亦蓬飄鬢青衫詞客累多才
紅粉名娃傷薄命錦機字織若蘭愁酒壚器滌長卿病
移商換徵請勿彈冷冷別譜流泉韻低頭銀甲重紛紜
花暈紅絲入斷紋彩裾難擘畱仙縹環珮搖秋火半聞

恐教縹緲凌風去飛山瀟湘化水雲

閨萬香女子寄外詩次韻三首

適韶州魏姓

紅豆難拋萬點秋冰綃帳冷夢勾留花絨半染香雲濕
珠淚都和繡墨流空畫文鴛棲枕角怕拈么鳳卜釵頭
迴環化作璇璣字一段蘇娘織錦愁

刃翦西風又一秋天涯花落阮郎畱舞鸞久掩紅腮月
飛鵲難填絳浦流淚雨啼銷楊柳黛髻雲梳亂牡丹頭
情傳尺素芳心遠不寄相思祇寄愁

香落紅蕤一枕秋蘭房傾影自低顰
顰顰惹怨吹花謝
溝水含情帶夢流針篋繡殘金蔽膝
琴牀敲折玉搔頭

始他樓外垂垂柳萬縷和烟結妾愁

汎舟平石

樂昌

訪吳友琴上舍寓廬延眺溪山鳴琴

煮茗清娛竟數晨夕由山行轉宜章寄詩四首

淸淸章橋水寒光照客裾草灘拳浴鷺石瀨響跳魚驛
樹遮船動山雲落枕虛灣環程百里來訪故人居

飛立金雞寨摩雲削石幢咽喉開百粵門鍵鐶三隴販

婦輸鹽椎舫公刺紙纓

龍謠紙船
鐵舫公

鑼聲秋賽野歌送木

魚腔

茶鼎香霏几空齋秋一絃遠懷鳴夜雨清籟瀉流泉海

國朋簪聚

座間多
粵文

家山客夢懸騷音愁入奏木落洞庭

烟

亂雲扶路出飛橋越層岡人影入空碧山光留夕陽言
歸亡遠近極望轉蒼茫浮世雙行脚勞勞爲底忙

題畫扇四幅

脫石根懸絕壑松銀河傾水濯芙蓉蒼茫風捲吟魂去
飛墮匡廬第幾峯

天涯芳草又清明扇角春風宛宛生一摺宣和新樣譜
餅桃花底嚙黃鶯

萬樹飛花罽帽紅溪山青綠染空濛五年唱醒江南夢
流落詩魂畫稿中

江上秋山雨洗青紅黃柏葉打茆亭雙橈劃破玻璃水
烟翠滿船酒一瓶

宜章城上步月和李菊甫六首

猿吟絕壑藤鳥夢幽溪樹新月漏雲生天影澹如曙
蠹一堆烟風捲黃岑去

露華衣上滋滴滴草根雨飛屨梯城樓空外久延佇
四澗賴無聲清聽風鈴語

鏡瀉玉溪水牽夢泛茗雪殘角驛邊樓疎燈林外塢佳
遊契同侶遞嘯羣峯答

邊風吹客心搖搖挂五嶺何處望湘山寥天黑無影一

杵僧樓鐘撞破關城冷

天際五羊城浮雲接寇嶠拏帆捨我去故人風瀟灑相

思寄明月流光到南海

時龔雲濤秦百二同客廣川

捉月浣詩腸吞吐生奇響飄然謫仙人清光踏來往邀

我吹鸞笙幽唱落蒼莽

遊良巖次固庵大令韻

良巖在宜章南城外一里宋淳熙間邑令吳鑑所名

墮地青芙蓉從寵豁一洞湧竇寒泉香綠潑梨花瓮森

森石抽簋翼翼天架棟簷花招鶴銜林果喚猿供蔓黏

蝸殼涎乳噀驚管渾呵叱陰霆生睽閃荒怪闌笠屐來

窺探岫壑狎衛從磨空劍骨張破險詩膽縱松子打琴

絃響脆流雲弄巖唇書擘窠墨苔繡自宋花石良嶽遊

新綠艮山送

武林艮山京麓爲宋南渡後宸游看新綠處見歲寒堂集

山河尖角小

烟月紙錢重而此又名巖宛續宣和夢天風吹古愁與

滿青蒼空長吟起潛虬巖石忽飛動

閱隨香女子寄外詩次韻三首

萬香之樓

酒烟疊翠埽粧蛾攔住春愁一縷多寄遠香緘紅豆莢

題詩墨洗碧桐柯樓頭柳妬垂垂舞陌上花憐緩緩歌

偎枕魂隨驄馬去挽郎征袖夢婆娑

種將香草飼仙蛾吹咽樓簫別怨多獨坐語調鸚鵡幙

雙棲夢繞鳳凰柯花飛怕唱兜鞋曲月冷誰聆蹋臂歌

卅字同心憐大婦衣裁金粟對婆娑

纏綿顰顰吐冰蛾乙乙情絲翦更多鶯新香銷風裡絮
蟾腮花墜月中柯四條絃撥紅紅唱三脚牀調黑黑歌
燈底惱公詞細譜暮雲影壁照婆娑

重到宜章疊次菊甫見懷韻四首

來去二千里浮雲無定期關城游子淚花鳥故鄉思落
落騎驢到蕭蕭起雁遲殷勤感君意示我袖中詩
追尋芳草約又過落花期春色留難住天涯悵所思酒
邊搔鬢短劍外望雲遲簫簫吹愁入蒼茫立詠詩
空局明燈照悠然未有期不堪聽斷曲無奈是離思啼

鷺鷥來晚傳書鶴去遲
湘山青巒巒賺入紀行詩

枯桐韻泉石難得遇
鍾期彈斷七條線飛來千里思
知心能耐久行脚未嫌遲
蒙良雙巖峙重題薛壁詩

遊蒙巖次秦百二同年

關韻
蒙巖在宜章
東城外一里

攜來句驚人搔首向天問
雙脚蹋浮雲攬此瑤林勝
藤攀啞虎禍榛翦驚磨徑
娟姣顰媚洗黛立幽靚
枯瘦僵瞿曇低眉入禪定
劍稍或森搏偃彊武人橫
冠笏或班趨端凝朝士正
稜峭剗天秀萬玉水蒼潤
巖石朗潔如玉神
漢吼山根濺石珠亂迸
眼盪玻璃明耳滌箏筑聽
嶄嶄撐天樓盤盤墮雲磴
窈窕羅百夫巉嶁插十仞
綴壁琪

花翻影殿髭鬚瑩來青嵐岫浮送綠烟林淨鐸席傳薪

開石室難藜映蟲篆三千函螺涎五十乘珍搜靈威儲

舛訂祖龍燼雷何招儒宗崔盧啓大姓巖前為養正書院山風

飄蘿衣颯颯動歸興夏然孤鶴飛遙峯遞晚磬

重遊蒙巖疊艮巖韻時同遊為涪州陳永圖桂陽許冠英善化胡士珩朱錦宜

章李廷芳吳楚翔借作聯句摩勒巖壁

疊巘森巉巉重門關洞洞攀嶮愁緣梯縋幽笑入瓮混

沌誰雕饒天然湧簷棟陀林三花飛彌勒一龕供怪石

青浮斑流霞翠灑漣跳擲竄空壁啾啾饑鼠開招邀山

鵲呼偕行林鹿從經年驅風塵此來眼一縱捫石吐狂

吟烟墨戲舞弄丹崖青壁高幽局待叩宋泥飲聯朋簪
花枝酒籌送畫看李營邱琴聽吳季重
李治庵據石作畫吳可齋彈琴
契茲泉石緣打破浮生夢返照耀金碧閃漏巖雲空石
丈恐人歸遮畱屹不動

夏日出游宜章城西過飲李山人莊

蒸歊熾熾燧龍吐招涼午踏城西路紫桐單襪青樓櫓
一徑窅入雲深處盤陀磴躡山嶠豁天風颯颯生空繆
紅虬卵裂陰林果蒼鷹爪攫枯藤梢淩虛擬縹闌風馮
五花繞袖涼雲飄衣帶溪流瀉山趾秋虹臥飲飛長橋
架壑筒車三十幅幹輪轉轂鳴嗚嗚塊甲枯攢九肋鼈

寒涎渴噴千年蛟，涸人患子太兒戲。跳擲溪心百不墜，
挺撞躍水緣都盧。負石騰波聳最屨，何殊弩射錢唐潮。
靈胥怒睨海門騎，瞥然過訪山人莊。山人款客禮數至，
薜荔圍籬松掩關。擺落煙霞出奇氣，刀劍錄著陶隱居。
慈韭書編尹都尉，門前瑟瑟蓮花開。山人呼酒傳山杯，
碧筒香吸沆瀣冷。紅衣風裊娥媯陪，花枝酒籌遞無算。
小戶惡客憑人喚，投醪掘窖鍋盃中。谷董羹進盤遊飯，
白日墮地翻林鴉。罷筵晚景來紛拏，草間斷碣牛礪角。
踣頓天祿僵，辟邪衣冠墓說。酈忠肅血，磷碧染邊城沙。
地下英魂呼不起，山鵲啁落棠梨花。風燈過眼幾聞世，

榛蕪慘澹增人嗟，照代勲名尙如此。人生富貴一杯水，
邱壑終輪謝幼興。耳枕流泉石漱齒，黃岑吹咽催人歸。
瀑捲銀河翠飛灑。

登宜章城樓

濛濛斜日挂銅鉦，雉堞排空枕列甍。關樹秋荒蕭瑟邑，
海雲青接尉陀城。徭山鎖鑰嚴三堡，黃沙栗源邑離三堡明正統間設立
以扼莽山虎寨烽烟靖八營，宜章營兵分八隊今校場在宋飛虎寨左右
落鄉愁人悵望驛樓殘，笛咽邊聲。

壽涪州陳固庵先生

蜀雲森矗千芙蓉，青城縹渺仙人居。環峙岷峨綴井絡，

磅礴紫炁來扶輿涪江一水繞漢出山川鬱秀鍾耆儒
先生落落雲霞彥潁川第闢延光間二等金釭燭廣厦
三條鐵巷羅通衢太邱風義頌至德曲逆聲華傳讀書
績學盛年富才翰滌汰楚艷刪巴歆墨瀋香飛碧鸛鵒
筆花露湛紅珊瑚惟刊忠孝作庭誥未肯文藻營朝裾
慈籜冬抽屋角笋友荆春爛墻頭株棲遲臥冷石泉夢
高尙銜題山澤癰汜勝新篇續野老王符逸論稱潛夫
棧閣當年照烽燧草間跳踉巢萑苻到門投止脫虎口
左提孺人右挈孥盤瓠逃名築土室賣卜晦迹游成都
傳家一經秘枕笥蘭陔玉立瑤環瑜磊落義方邁五賢

淵源學術浚三蘇長公冠羽木天省禁蓮撒炬搜石渠
徵書思捧毛義檄飛舄便躡仙喬鳬篠騎迎歡到柳嶺
花興送喜過重湖絲誥盤虬拜

帝闕繡衣圻鳳翔天吳就養章江又四載幽探洞壑追
清娛上巳吟芳讌芍葯重陽賞雨曩茱萸游覽先招韻
士飲婆娑不藉文孫扶椿籙書年屆七十精神矍鑠今
人無方瞳綠筋漆點鬢秀顏紅蕊銀飄鬚晝錦堂開樂
曼衍白虎鼓瑟鸞吹竽浴社瑤屏敞匝匝扶風珠軸聯
模糊海客三千叟十八箇臚瓜棗杵雲腴希韞忝廁蓬
壺隊延齡酒晉長庚觚

九日登桃榔山次陳固庵大令韻二首

攀梯賓從興飛翔酒泛茱萸潑
灑香嶺嶠三秋橫紫翠
關城千里入青蒼林歸巢鶴雲開洞
花釀巖蠶蜜綴房
風冷薰桐人拜佛穹碑須泐杜當陽

嘹唳邊風一雁翔寒花嗅折九秋香
浮雲似我來飄忽
怪石如人立莽蒼銀管徑須題碧落
瓊漿還擬乞丹房
戀頭破帽難吹墮踞坐層巖醉夕陽

自宜章歸湘諸君以詩話別舟中各和一首却寄
西風回首識君初酬唱蘭燈一載餘
氣岸甘爲名士屈
襟懷能恕故人疎
腦脂遮眼窮張籍
菊雨
病目
酥粉關心幾

左君遠自僊程遠佇立馬前黃葉下紛如

次李菊甫詩
士韻

同客邊城賦倦游鬱鬱衙鼓聚寒籌諧談讌洽重簾雨

磊落襟開一劍秋活世折肱求剗答

即鮮
答

盟交緘口凜

磨兜秋風麾手先君去殘角蕭騷咽戍樓

次胡白齋
舍韻

辨才早證辟支乘佐政風清日飲冰三篋遺亡摻柳惲

百詩推獎到胡曾簿書料理閒堂月樽酒招邀冷解燈

題墨屑巖同倡和夢中長挂一枝藤

次章乃安少尉韻

旅牕翦燭共清橫締契如君古道存畢竟碎琴難隱市

未妨彈劍且監門交情屈曲屏風樣贈語模糊屋漏痕

無定浮雲從此別天涯懷抱向誰溫

次吳可齋上舍韻

蟾香秋讌記聯驂
齒譜齊年續雅談
殿榜君仍標第一

策名人羨已成三

謂周樹槐尹
作翰黃元吉

難嫌自耐寒
瓊冷倒蔗

同嘗旅食甘邊地
分麾開講席
巖壑墨瀟瀟
潑飛嵐

次許
偉堂

同年
韻

傾蓋論交眼獨青
浮沉蹤跡半風萍
愁虛佳約尋三卯

愛著奇書攝六丁
官閣銀燈搜肉譜
客簾松火讀茶經

占天昨夜賢人聚
東井旁應少一星

次朱雲裳韻

接踵淵雲出妙才
芒屨遠踏蜀山來
文章過嶺編新草

契誼同岑合異苔
潑墨淋漓纒千紙
磬飛觥嘯傲一襟開

百朋珍錫唐賢帖

韻別以小歐
道因碑見贈

古錦還慙負販裁

次陳
西山

茂才韻

聯翩相振餞傾城惜別拚從醉後行章水夜流歸客夢

嶺雲秋抱故人情星旌自寫懷湘曲風櫂難通拜嶽誠

擬辭衡
興未果

多謝中庸胡伯始寄賤飛託遠鴻輕

次胡棟城
茂才韻

文即彌縫伍與偏要須飛矢貫蠻貊喜看任昉明經日

恰到蘭成射策年隱霧三秋先自澤追風十駕豈俄延

摩胸待奏凌雲賦指顧青藍譽斐然

次李生澤
嶽韻

二十六
灣草廬稿卷七終

三十六灣草廬稿卷八

三長物齋叢書

寧鄉黃本騏花耘著

纂修宜章縣志代作諸詩彙存

艮巖禱雨有應

雷君今年懶出裝雙章水枯百泉竭

宜章山多水少田資山泉灌溉春雷

震動泉脉其流乃長土人以雷占豐歉

騎田之濕愁斷飛安冀流膏溉畛

暇大麥小麥牛毛稀高田低田龜兆裂義輪吐焰燒火

雲赭汗鋤禾洗杵杓淖根難踏九節車水堰空築千金

竭龍驚慘罹庖奴刑獲蜴蝥遭市兒撻豈知泉龍酣晝

眠腹孕風霆暗不發擬金擊鼓艮巖巔喚醒頑龍如噴

沫虛氣果見珠跳盆咒水無端絮出鉢風刀雨仗排空
來驅擒淵父殲禿媛如繩簷潤喧向晨黑豬渡河鸛鳴
埵油油生綠吹苗父潑潑浮青到草蔡萬山環縣煙溟
濛惟聽玉溪縣城下水卽水經注所謂黃洽溪流也響汭汭籲天老宰休
言勞沾地疲毗喜頓活更祝霖爲三日祥喜雨名亭屹
突兀

土木行

黃沙慘慘夜鳴鏃忠魂碧血灑土木憶昔抗言策用兵
斷轡難迴警蹕行警蹕親行非至計孤忠痛下憂國淚
此也憂國彼誤國王振當權輒排抑排公抑公蔽主聰

置公老營毋與通邊草搖寒朔風勁遠塞聲喧笳鼓競
關前遙望翠華臨關外不聞將軍令驅塵胡騎漫山谷
權臣債事忠臣哭一哭未已三軍哭人人欲啖振肉
振之一身幾許肉惟有罵名罵不足吁嗟可惜鄭忠肅

新峯寺元鐘

蒼雲亂捲羣山走秋風聲咽蒲牢吼鐺鞳噌吰五百年
一鐘野利懸雙紐拭眼細讀腰際銘釵股繆篆半昏黝
上鐫大德九年鑄五字差堪辨跟肘我聞奇渥鐵木兒
繼統忽烈御九有牛角河山風逐鹿駒隙滄桑雲幻狗
何如寸筵撞荒隅山鬼夜拜頭陀守佛龕一燈清熒熒

欲去不去摩挲久鎖旁老衲坐微笑云此何足誇不朽
開山寺名舊有唐年鐘陽欵陰識昧誰某鏤深蒲鴿日留
斑聲暗蒼鯨秋閉口古懷觸我思茫然寒擗蕭蕭下林
藪

宜章小樂府四章

荀竹源

康熙中莽山猛寇宜章城守把總余奇戰死處

四山月黑寒鷗叫松花萬點鬼燈照我聞轉戰荀竹源
滾滾塵沙此扼要頭可斷心可剖慘哉余城守裂眦叱
賊如叱狗碧血飛花蝕黃土叶榛蕪滿目秋蕭騷曠野
英魂何處招至今遺恨西山猺

女貞樹

爲陳貞女作

平生未識夫何似欲詠桃天悲永逝亦繩旣繫義難逃
白璧能完情倍摯年年樓上居熒熒六十餘六十餘身
處子人未亡心早死繡佛寒燈月如水吁嗟陌上飛楊
花隨風飄蕩矜春華不見冰霜閱歲暮青青百尺女貞
樹

白石渡

爲楊烈婦作

妾不獨生君不獨死粧臺磨笄卸統綺愁雲慘澹悲風
起伯道無兒竟已矣未亡人在復何倚杜鵑啼血暮山
紫偕老還憑夜臺裡落花流水春蕭然白石渡頭波瀾

滿

將軍樹

爲王參戎作

城虎踞山鳳翥環城峩峩雲骨露蒼然一夜吹煙雨種
得千株萬株樹種者誰王將軍將軍大樹千年春將軍
樹木還樹人

野石鋪

野石巖在宜章縣十五里礪柯岬岬旁笏插雲排
山麓巨石頽壓中露出一罅高三尺餘塞身仰臥
鼻與石摩危險可怖上鐫野石鋪三字字徑二
尺三寸有奇無年月題名宜章志稱湖南帥潘

疇書旁有宋人詩云夏夜渾如秋氣清夢回風
露濕桃笙漸忻月色兼山色所憾蛙聲亂水聲
銜題仲權二字尾餘未五月丙寅五字未字上
闕後有和詩二首云稱香齋暑風清下馬傳
觴聽水笙父老指詩懷舊尹爲鐫巖石記心聲
身傍蓬萊近紫清巧言一出忽如笙祇今家食
應無恙書倩衡陽鴈寄聲末題紹熙辛亥六月
中伏日出郭觀稼小休野石讀仲權正字壁間
所題詩因次韻並刻巖石以慰邑人去思不忘
南都滕瑱伯真父案紹熙二年爲辛亥上朔淳

熙二年爲乙未十四年爲丁未仲權殆孝宗時
人志舊作吳鑑詩鑑宰宜章當淳熙丙午丁未
間仲權或其字歟

嵯峨穹壁積然睡低壓山根懸不墜纍纍小石紛拄撐
一線橫開豁深邃塞身仰臥面壁看剜削平勻湛磨額
徑尺三字野石鋪波磔分明脫款識或云宋帥潘疇書
華鐫石墨少追跂蕭蕭風露濕桃笙韻語旁題仲權字
和者何人伯真父紹熙辛亥朔丁未初驚鬼鑿鏤虛無
還訝神錐篆游戲不然豁訝壁罅間鐵筆胡爲恣如意
父老指點百年前高插煙雲籟岑蔚喧豗一夜轟風霆

嶙嶙拽倒蒼巒翠欲墮不墮誰呵扶精氣宛然前賢寄
搜探待補金石錄幽奇合訂鄉媛記一紙摸搗攜歸來
清風嘯窾振衣袂

金子巖

在宜章城西南麻田

怪石猙獰恣怒搏森森劍立開齟齬芙蓉十丈五雲飛
幽宵窈窕肖天鑿地僻愈云神所棲高禪之禱日紛若
婦女禱我來恰值秋九月瘦骨玲瓏益峭削攀蘿捫葛
到巖扃仙鼠啾啾亂飛撲冷氣侵人毛髮張踐響彭觥
膽半落旁闢一巖尤谿衍黑陰俯瞰滙深壑駢駢無底
水氣蒸怕有蛟螭暗蟠攫譬讀異書游鄉媛奧豁苞苴

敞靈鑰煙嵐四面翠飛灑亂峯旋繞類張幕得非鴻濛
未闢初大地遺此混沌殼叢叢鳥道無人蹤崑崙之石
徧包絡虎嘯猿啼山鬼語四顧蒼茫難住脚天風颯颯
來巖巔黃葉蕭騷下林薄

謙巖

在江寧城西南九十里

蒼然齋峭壁空曠開巉崑陰森晝疑晦咫尺愁壘竟此
巖始何代皴皴謝鐫劖誰遣神丁鑿或訝巨靈鑿豁然
洞幽黯樓閣攢空嵌怪石立磊磊清泉流灑灑乳珠滴
簌簌雲花飛三三蛟虬恣蟠瓜神鬼來儼儼幽棲叫兒
蝠奔竄驚麝麝龍門接湛室

巖中重門洞戶分
鐫龍門湛室等字

兩界分

仙凡攬奇事攀躋耳目爲一廡薄暝涼生笠長吟風吹
衫山煙動篁篠野霧搖松杉出巖間歸路斜日西岑銜
桂岫

在宜章縣南五十里

洞岫如秘書百讀生百妙苟不務貫穿懼爲山靈笑緣
徑入其腹窺嵒豁如廟已看蝙蝠飛更聞餓鴟叫稍入
便偈仄昏昏持一燎氣冷覺龍腥風黑疑虎嘯手蹇足
代行有頭不敢掉上疑猿臂攀下學夔足蹕又如轉磨
驢團團環百蹈怪石學人語響應出綽綽面面流瓊漿
磨腐堅難瞧鐘磬闕仙龕風雷吼暗竅蒼蒼橫古今濛
濛鑠奧突平生癖登臨假山歷工巧賓客滿亭臺詩歌

鑄斗峭人力戰天工豈足當一眺負此置名邦應擬醉
雲嶠所恨無奇娥地偏名不耀此埋山自知若言非所
好安常足千古炫異俗所譙儲精待我輩力爲洗塵淖
來奇務深領去異悔畧躁春衣粘白雲可玩不可埽出
洞疑初曉下界漸開闢長嘯下山椒夕陽照古道

石頭寨

千澗水拖藍羣峯雲擁黛秀壑森嵒嵒陰林響松檜衣
冠畱古民溪山敞幽界人煙蒼茫來行吟入圖畫西莽
此門戶

西山莽山
猶人所居

當年曾守隘
蟲蟲環石頭虎踞險作

寨

遊蒙巖代諸生分疊秦百二韻三首

探奇類讀書搜討資博問巖石飛巉巉實擅宜城勝春
遊招同侶蛇盤上曲徑煙林環鬱葱山花炫媚靚峭壁
森玲瓏青綠駭不定蜷曲懸枯藤根繞巖唇橫雲脚插
欹斜天骨撐端正泉冽山趾飛碧瀉苔痕潤浮黛落枕
椰山名影與泉聲迸松濤謾謾吹寒籟聒幽聽草際卧殘
碑樹杪盤飛磴上洞下流泉嵐翠矗幾仞枕流字誰鐫
巖下泉曰蒙泉石旁枕流二字傳是宋刻波磔千古瑩泠泠浣襟清滌滌
眼淨有宋紹定間照山烽火映趙尹親帥師士氣勇超
乘崑蠶化蟲沙一掃無餘燼紀功銘仙館大書誌名姓

巖左石上鐫紹定六年春正月湖南帥賈學侍郎余公
傑開宜章冠警檄知郴縣兼幹辦公事趙希逾以十月
乙卯領兵招捕癸酉追戮鄧李二酋斬首六百有奇俘
五十釋戈請降之人三千大槁師徒歿骸而東勒石仙
館以志歲月凡九
行字徑四寸強
摩抄緬英風動我懷古興巖鷗忽驚
飛晚風送遠磬

美人閉幽谷窈窕人誰問賴有才人筆雕鐫出一勝草
露吹葛衫嵐花颭松徑青梳石髮榮翠擁螺鬟靚穹巖
劈山開位置天然定亂石鬱嵯岬影入烟雲橫渲染古
皴紋枯龜坼斜正洞底湧飛流甘雨林麓潤銀瓶傾漢
來響破水漿迸濕雪眼纈翻晴雷耳根聽飛屨凌蕪岡
攀梯踏蘿磴天風振衣涼縹緲翔千仞明明玉山行照

影人心靈瑤甕懸圓明到天一色淨良巖拱其南峭秀
競時映奇樹蔚華滋風流詠枚乘篆壁落釵鈎劫火燒
不燼銜題色日人氏勒蒙古姓桃花雨溟濛茗話寫清
興一闕菩薩蠻聲聲徹玉磬巖內石罅壁刻元人詞序
云至正戊子二月朔偕憲
掇藪仲治奏差劉右卿祝釐來遊時山桃爛漫煙雨溟
濛恍隔塵世汲泉煮茗清話移時爲賦菩薩蠻一闕云
棠崖幾日桃花雨依稀流水章橋去只恐到天台誤通
劉阮來玉堂開綺戶不隔塵寰路休認避秦人壺中別
有春末鐫通議大夫憲僉僕世玉題
方廣一尺五寸凡十三行人分書

銀甕關何年倚松向空間招邀來探奇笠屐討名勝枯
藤繞林扉陰蘚滋竹徑煙黛盤髻螺窺人半面靚槎枒
拔地高挈攫撐空橫齧齧巖唇開齷齪山脚定天巧鐫

學竄

巖首有
天巧字

鉤勒鋒稜正張絃松韻幽噴竇泉流潤一

碧瀉蒼煙大珠小珠迸講堂遞書聲佇立風前聽捉龍
翠模糊穹碑插石磴蝸篆紫九迴墨花吐千仞樹鎖寒
壑陰乳滴石漿瑩入竅六月秋襟洗炎塵淨枕椰傍巖
植蒼靄黃岑映頑石類頭陀坐參辟支乘談鋒塵屑霏
茗戰鑪煙燼來游笑我頻山鳥識名姓欲袖白雲歸徘徊未盡興寒淙潤石飛韉轂奏鐘磬

春日郊行

春樹半溪煙碧落花滿地泥紅樓畔何人橫笛一聲吹
破空濛

官章雜詩十二首

飛橋斜跨水潺潺紅瀉溪流翠繞灣四面林巒開畫稿
人家半住綠雲間

百尺煙竿

嶺名

縹渺青撲人冷翠酒微醒秋風武水挈舟

去花外郵籤報驛亭

古廟臨江枕石頭蒼蒼雲樹極空浮如聞貴主還宮樂
畫鼓家家賽柳侯

十里寒蕪襯馬蹄斜陽一抹攔林西紅鹽沙漉包春箸

茆店炊煙繞泗溪

泗溪有粵商鹽埠

天然雙洞闢欽嵒剔蘚閒搜峭壁詩謾謾巖陰幽簾響

松風吹綠上鬚眉

香竊雲煙起半空
深林古剎響秋風
幾聲粥鼓僧歸晚
笠挂松門夕照中

突兀奇峯擁翠鬟
環林石色點雲斑
一聲鐘打煙中寺
人踏河陽畫裡山

前峯矗矗後峯低
萬樹濃陰路欲迷
村店幾間流水外
釣船多泊柳邊溪

盤陀片石架慈航
瓔珞森垂水月光
笑我難參迦葉座
天花如雨灑衣裳

蒼鯨午夜吼林阿
天外飛來發韻多
花石風流銷戛轡

一鐘芒鏞認宜

和縣西黃沙堡鎮興廟有鐘明成化間飛來懸廟側古樹靜夜自鳴聲聞數

里上鑄南雄州保昌縣上朔團謝行可建安遠院鐘樓一座鐘一口歲次宣和五年癸卯十二月

盤紆幽磴絕行蹤
亂石嵯峨翠萬重
螺髻忽撐雲嶂外
飛泉如練挂長松

誰開鳥道闢荆榛
巖乳玲瓏瘦骨皴
薜荔遮牆藤蓋屋
居人半是葛天民

望黃岑前後二首

橫絕郴南第一峯
崢嶸拔地湧芙蓉
黛描京兆眉深淺
碧染將軍畫淡濃
石踞懸巖如卧虎
雲生峭壁欲從龍
粵頭楚尾森屏障
不讓秦關百二重

西郭晴開見茂林，嵒崖千疊聳高岑。
煙鬟朵朵浮青遠，石髮影影擁翠深。
五嶺雄分南界粵，羣蠻低拱北鄰郴。
阮生待蠟尋山屐，飛踏雲梯暢素襟。

遊黃岑

楚邊關鍵鎖黃岑，巖壑撐霄氣鬱森。
雙屐梯秋蒼翠合，一襟飛瀑水雲深。
香吹陰洞微聞菊，葉落空山遠見林。
坐嘯天風淩絕頂，長松流韻入瑤琴。

題黃岑古杉代王蔭三參戎

掉尾雙蛟下雲霄，白晝翻到天無曲。
榦破石脫孤根黛，落空山色苔封太古痕。
蒼髯應俯笑林立，盡見孫

秋夜

統統風轉戍樓更離緒無端傍枕生明滅愁邊殘燭影
寒暄夢裡故人情蟲吟莎露傳秋思雁破蘆煙帶遠聲
不寐起看庭外月黃岑隱約壓西城

游覽七律前後十七首

微涼蕭瑟撼孤桐井絡銀牀面面風落葉響殘秋雨外
寒砧聲斷暮煙中遙村牧笛吹牛背淺水漁榔拽釣筒
吟立蒼茫人作客天涯搔首盼歸鴻

鈴馱荒郊暮色催炊煙繚繞接城隈鎌磨新月迎峯出
棠捲歸雲擁樹來沽酒帘飄樓外市題詩袖埽石邊苔

蕭騷落木西風冷何處樵歌唱晚回

黃岑枕郭望崢嶸環抱章流激澗清半壁煙雲開粵嶠
十年書劍老邊城飛書虎若勞齡石夢冷鱸江笑步兵
天外湘山青不見蕭蕭來雁送秋聲

重重雲樹鎖巖疆市井周遭入莽蒼一水東流通百粵
千峯北上接三湘驟網夜響風鈴月鷺堠秋鳴曉角霜
太息衣冠半燕沒鄺家祠廟鄧家坊

鄺忠肅祠在城西
鄧司徒坊在正南

羊腸詰曲一孤亭鑿險何年役五丁千仞雲開高擁碧
四山林省遠環青人梯絕磴摩星斗僧打疎鐘破晦明

勢接黃岑排列嶂誰將福地補岡經

題高明亭在宜
章縣西十五里

王水風沙議靖邊出師抗疏在幾先鑒興淚灑青城月

禁旅塵消紫塞煙章水草荒秋化鶴燕臺花落夜啼鵲

王公表墓徐公史昭揭丹忠白日懸

謁鄭忠肅公祠

入畫溪山望靄然支筇一徑踏蒼煙亂雲縹渺霑衣潤

古樹陰森抱寺圓幢石數重多傍水經樓雙峙欲參天

當年講學人誰在半粟禪燈老衲傳

玉溪寺舊有王溪書院今廢

路轉山腰一徑通忽聞鐘唄響空濛到門鶴引聽經客

繞磴鳩扶采藥翁梵夾潤分巖樹碧禪林晴擁塢雲紅

顏根未證西來意欲折曇花拜誌公

普化寺

幽幃冷院靜苔封天外聲傳百八鐘一杵風敲巖畔月

半龕秋醒鉢中龍鶴眠高樹閒尋夢雲宿前溪懶過峯

驚起圓蒲人出定佛燈明滅塔煙濃

聞普化寺晚鐘

險扼奇隅半壁荒垣排殘堞枕巖巖疆深山石盡開官道

矮屋人多寄女牆榕樹陰環獅嶺翠梅花風颭象城香

滔滔遼水通長樂

水會流堡城下

直下瀧江一葦杭

栗源堡在縣南

秀峯聳拔翠高鶩一井齋沉古寺邊月落寒潭珠墜海

雲歸絕巘鏡磨天光騰蝦蟇晴噓氣睡醒蚪螭夜吐涎

不待輓轡千丈汲飛花十畝漱清泉

壁井在宜章縣東七十里秀峯下

飛插天邊擁翠鬟懸梯千仞絕躋攀嵐光渲黛連星子

驛名雲氣拖青到莽山挂壁藤深猿穴冷撐巖樹老鶴巢

聞溪流環繞如襟帶楚粵分疆第一關

鳳頭嶺在縣西南

曲曲溪流捲白沙風搖村樹噪棲鴉芙蓉濯霧峯千疊

楊柳含煙酒數家策蹇人歸春欲暝起墟市散日初斜

一椽解舍荒涼甚撾鼓遙聞報晚衙

白沙在宜章縣西三十里

一帶濃陰遠市囂溪光瀉練水迢迢插天巒岫森環拱

遮岸帆檣亂動搖樹影浮青撐畫閣雲花湧翠鎖危橋

瞿曇說偈重來聽鐘磬傳風落碧霄

重游玉溪寺在縣東城玉溪上

飛黛浮嵐渺靄中螺雲環秀倚蒼穹桃花溪岸鸞鸞浪

楊柳山橋面面風經榻塵棲巢冷鶴詩碑苔卧篆秋蟲

登臨雅著謝公屐坐嘯盤陀萬籟空

游開山寺在宜章縣西五十里

眾香馥郁裊旃檀策杖深探興未闌鉢裏蒸雲穿石出
壇前飛葉帶霜寒四山風雨僧歸寺萬疊煙霞客倚闌
縹緲一聲鐘打破剎那塵界夢初殘

重過開山寺

漠漠層樓雨滿村簷牙瀉溜似翻盆濃雲繞樹山俱暗
野水盈畦路漸昏柳外寒裳人喚渡花邊欹笠客敲門
激流抱郭青如畫坐賞春風酒一樽

玉溪樓看雨

游覽五律前後十一首

蒼然仙洞闢玉笋插嶙嶙拔地雲千尺瞞天帳一層花
龕巢野鷁苔壁篆秋鷹烹茗山泉瀹頻來此杖藤

衆巖

何年開古洞巨斧劈蒼煙危石巖唇動枯藤樹頂纏遊

僧烹茗繞佛瀹清泉似有風霆吐瘕龍白晝眠

良一

斲斷蒼虬骨嶙峋一洞空石泉吹冷翠雲樹擁晴紅韻

和棲巖鶻書摹篆碣蟲仙漿還可飲寶乳滴玲瓏

良一

遶折曇花境天然石作門峯陰雙閣峙樓影一溪吞霽

月沉儒席香雲涌佛幡滄桑問彌勒含笑竟無言

玉溪寺石

寶成門上勒曇花境三字旁
注崇禎庚戌三月二十二日

崖斷峯迴處孤僧此坐禪灣環玉溪水來抱寺門圓峭

石青圍樹飛樓翠接天何人弄橫笛涼月吐荒煙

玉溪寺

半壁翠遙斷雨山雲不開秋虹吹影墮危石架空來裏

底鳴流水巖陰落古苔牛頭山在望天險關崔嵬

天生橋在

宜章縣南六十里兩山排
杏飛石如橋殆極天巧

蒼雲千仞翬飛鳳立當關地險屏三楚天低控百蠻環

林飛瀑翠懸磴墮苔斑長嘯憑高望從隆倚劒閒

鳳頭嶺

莽莽黃岑外浚空矯不羣霾雲千嶂合晴雨半山分遠

樹旌旗繞孤城鼓角聞荒涼畱野廟何代祀將軍

將軍寨

倒傾銀漢水層疊墮危巒練挂晴秋冷霆喧白晝寒林

梢吹亂雨天半捲飛湍淅落魚龍舞蒼茫快大觀

犀谿觀瀑

犀谿亦名犀牛灘在宜章縣北八里源出黃岑頂仰天湖

繞徑開蓬華行窩別有天蕭疎三弄笛寒峭數峯煙山

雨鳴秋葉牕風咽古泉幽情誰與共明月滿庭前

宿梅田

一徑人蒼煙千山望渺然危峯孤寺落陰樹半出懸猿
墮藤纏石龍吟壑噴泉齋鐘傳午飯韻徹白雲邊

題野寺

柳花次吳松齋仕女韻六首

無情有恨點眉梢搖漾東風破寂寥
毳帳雪吹蕃女怨粉溝香颭內家嬌
紅泥牆角春難畫白板橋頭夢易消
夢向旗亭亂飛去依依離緒不堪描

香塵縷縷拂鞭梢和夢和愁下碧寥
吹笛溟濛留客駐捲簾飄蕩碍人嬌
二分風態鶯梭織萬點春心燕翦消
婉轉嬌柔難盡處憑他淡寫與輕描

半冒花蹊半冒梢數聲羌笛碧天寥
斜飛官院牆頭活

空擺腰肢陌上嬌無蒂怕隨香霧散多情愁到暮春消
黃昏阮地東風捲白粼簾鉤畫不描

蕩漾春情裊碧梢白門潮落影寥寥樓頭吹盡鶯聲澀
窠裡銜來燕語嬌幾縷花風拋夢斷半江煙月盪魂消
秋娘渡口蕭娘店含淚含情一幃描

颭裊瓶香滴露梢禪心沾絮笑參寥過牆影動呼來夢
埽地春殘怨阿嬌最不分明和月冷絕無聊賴帶煙消
傳情粉本憑誰寫只有龍眠善白描

舞榭歌臺綠滿梢漫天情思望寥寥花飛玉拍聲聲慢
香蹴珠塵步步嬌蘇小慕荒春恨渺宵娘堤冷客魂消

深閨繡倦尋芳譜怕捲蝦蟇仔細描

遊艮巖用杜工部遊何將軍山林韻十首

尋春出南郭緩步過溪橋亂石青排徑奇峯碧聳霄路
花飛不斷林鳥語相招曲磴攀蘿上蒼蒼入望遙
得仄峯頻轉天風雨袖清塔雲巢野鶴橋柳纖春鶯佛
榻花浮茗僧厨菌萐羹羊腸迴石埭隨意踏莎行
春氣薰人倦陂陲杖自支亂花飛峭壁淺草浸芳池水
咽山俱動雲歸樹不知殘碑猶可讀釵脚篆紛披
樹根經屢憩簪帽落殘花老栢森如蓋修藤曲似蛇風
襟情自爽泉壑響何餘一帶雲深處人煙四五家

吟屐沿溪曲僧扉面面開新陰千个竹殘蕊數枝梅契
爲參禪合緣非選佛來去秋曾過此題墨蝕牆苔

曉岳開古洞陰竇吐清泉鼎縷霏如篆龕雲擁似絛待
沽缸面酒頻解杖頭錢領取煙霞趣何須畫朝川

揮麈邀僧話天花冉冉香影隨流水靜心證慧風涼纖
鯽吹沙出神虬入鉢藏瑤琴誰坐弄幽響落青蒼

巖陰亭半敞倒影入幽池捲袖披單綃籠頭岸接離洞
猿花獻客山鷗雨呼兒坐賞成新詠奚囊處處隨

誰是忘機侶無心岫出雲榛蕪埋舊碣蚪蚪辨殘文繞
石巖初遍穿林洞又分巒犀仍入照鍾乳滴紛紛

未盡探奇興，催歸奈若何。
山圍殘照晚，樹入野煙多。
一路攜春色，千言慙嘯歌。
願尋芳草約，重挈酒尊過。

宜章城西步月代諸生分作四首

城頭一片月，清光流白練。
俯瞰煙蒼蒼，四圍山不見。
人家隱叢林，指顧難分辨。
相與倚女牆，諧談聚羣彦。
投石落深溪，碎影隨水濺。
沿城蹠蹠行，踏月不知倦。
芒屨粘草螢，練衣臂壁薜。
街鼓報三嚴，滿身露花泣。
歸來還坐譚，流影瀉牕硯。

齒齒排雲古堞齊，開乘新月步城西。
輕煙隱約山千點，素練蒼茫水一溪。
鐘明聲沉僧塔迴，星河影動女牆低。

邊愁何處吹橫笛飛倦林鳥襍格啼

草根墜清露蒙茸葛屨濕皎然一輪明渺彼萬籟寂高
墉拾級登行行隨所適女牆不蔽肩四望杳無極黃岑
轟溟濛化作蒼煙色遠樹閃疎燈人家住深黑惟見抱
郭流飛盪溪光白鏡淨天無雲孤光沁心膈妙義紛滂
葩匡鼎詩喜說何處來幽鐘驚鳥繞林樾倦言踏月歸
吟枕夢超越

遍踏城頭月清光明入懷叢溪明似練煙樹淡如釵燈
影搖高閣人聲靜小街遞吟流逸響幽賞愜吾儕

遊普化寺代諸生次韻分賦五首

迴溪跨小橋，疊嶺環幽寺。郭南市幾家，炊煙紛遠翠。山
僧午睡起，林鹿啣花至。一聲梵唄清，縷縷鑪香墜。
蒼黛半參天，林密疑無寺。圓蒲睡定僧，夢冷一山翠。疎
鐘帶雲敲，清琴欺月至。空籟靜無聲，惟聞松子墜。
一徑入陂陀，開林纔見寺。山磬破煙敲，響落半巖翠。追
談支許禪，我亦攢眉至。炎風午不知，揮塵涼雲墜。
怪石鬱嵯峨，幽絕林邊寺。松陰落古釵，掩映巾袍翠。鎮
日鶴來棲，經年燕不至。閒尋說法人，雲花紛亂墜。
蒼綠畫圍屏，不知身到寺。路排千樹陰，山入一筇翠。簌
簌晴雲飛，清風故人至。林鶴時往來，銜住幽花墜。

重午雜詠四首

九子纍纍絡綵絲，搏菰作糗競相遺。
崢嶸芒角青排楫，礪礪觚稜綠映巵。
賭射花團唐苑粉，浮筒香罽楚江離。
真能益得囊中智，懸拙如余啖不辭。

角黍

鳴鼉聲吼出中流，綵結神龍白晝游。
畫櫓波飛冰鼉動，朱旗晴蕩火珠浮。
蜿蜒駕浪騰蛟市，曼衍曄雲到蜃樓。
爲問錦標誰奪得，水嬉簫鼓夢湖州。

龍舟

牙爪張威儼不羣，誰將薺蘭翦山君。
三眠養就斑然質，五色繅成炳也文。
險負蠶叢疑夜嘯，風生蝶帳掃炎氛。
猗猗一笑臙脂染，真箇蛾眉號怕聞。

藍虎

朱門搖漾色蒼蒼結就風流出靚妝眉黛含青仍帶露
襟裾積翠自凝香名符五甲延齡好意擬三年愈病良
一束生芻人似玉仙囊傳得鮑姑方

文人

遊良巖代諸生分次陳固庵大令韻十三首

名勝繙圖經天闢卅六洞茲巖尤離奇磊落撐石甕紫
菌蒸雲湧紅芝吐霧棟研山米黻儲奇礪到漑供神漿
裂壁流冷吸青泥渾幽絕峯千盤喧離市一闕山靈招
羣公蹙然喜過從碑刻摩鉤釵煙雲恣飛縱清蘂詞淋
灑豪才筆播弄或范陸尤蕭或王朱施宋楚尾接粵頭
青蒼一氣送屏障森南隅巉巖扼險重怕聽邊城笳吹

醒遠游夢造化紛開張雷琅裂罅空棲鴉尾畢逋磔格
林梢動

磔石攢作山顚頽闕此洞棧齧蠹如屋窳窟卧類囊外
承以芳亭林杪出飛棟甲乙丙丁分石列奇章供皴渲
栗粒文乳滴瓜瓞渾幽扉日月陰虛壁霆飈闔賢侯折
柬招偕行附簞從雜沓滕草坐三爵豪情縱蟬桐時一
撫龍竹或幾弄畫史希全浩詩伯揖沈宋潭空蛟氣潛
風遠鳥聲送盪眼層嵐飛吹衣晚黛重生恐遽言歸依
舊墮塵夢乘醉陟巖巔吟補游跡空參差望城郭一縷
炊煙動

亢厓黃岑來繆然做一洞擬鈔石室書筆禿十八甕陰
潭蟠蛟螭噓氣吐神棟煙篆旃檀林繚繞伊蒲供香吹
竹葉醪露沁松花漣竄莽驚麋鳴攀枝飛狖闕山僧相
招邀朋曹喜過從追奇膽雖豪入險身畏縱丹梯排瑤
蓼天外恣撼弄鐵骨生古芳梅花待詠宋鏗鏗傳蒼鯨
西風遠近送渴日懸樹低癡雲罩山重悟參蒲褐禪喚
醒蕉鹿夢捫壁尋歸塗怕跌煙蘿空盪胸鬱蔥蔥暝翠
半霄動

萬樹吼煙濤天風吹瀕洞門懸樞不繩寶豁牖開奩雲
根立四壁礪柯作梁棟我學蕭思話一琴松石供鼎煙

象龍涎壁涵濺馮潭林局斷紅塵一靜埽百閑藉苔坐

崖陰啓囊呼侍從十指任勾抹七絃憑控縱和彼山僧

笛雲外流清弄憶昔吳仲權風流擅有宋遍搜縣東南

異境迭相送

南良巖東蒙巖皆宋令吳鑑所得仲權鑑字

獨闢五嶺奇遂爲

千古重眺游踵相攝今夢續前夢來寫流水音響落蒼

巖空泠泠風入松松花亂飄動

石林象兼山止止屹兩洞後洞窈而深寒泉瀉銀瓮前

洞廓有客飛雲架瑤棟中匪貝葉書旁邏曇花供巖削

鷗鵠肪壁涵蟾蜍瀘泉石爭喧虺雷車轉壑闢幽奇冒

險探攀緣卻儼從飛蝠啁啾鳴游鱗潑刺縱神驪抱珠

眠光怪恣吐弄登高聊賦詩問天首搔宋誰劈混沌殼
豁眼煙霞送婚嫁向禽違邱壑謝鯢重續續來題巖遽
遽怕化夢松頂鶴盤旋嘎然天宇空幽香壓帽飛麗歎
巖花動

亂石軋霄崢奇崛天開洞山勢危累棋泉聲咽漏瓮深
窺窰窰局高瞰縹緲棟葆蓋捲虛無仙仗諸天供雲花
珊珊飛紺碧響寒湏火難竄窳明氣撼幽沉闕雙屨躡
雲來仙侶偕游從獅象森獬獬礙路不敢縱擲石作飛
丸戲學宜儉弄何處老頭陀岩巖詠續宋寂寥龍宮鎖
芳鬋天香送安得浚扶搖捐棄俗緣重夜訪周瑤英春

踏芙蓉夢振衣立巖巔打開雙眼空楚粵接蒼茫雲海
盪胸動

岳嵒森邊隅忽開小有洞選勝譬選佛入坎疑入武夷
濛濛幽霽渺靄出穹棟跟肘青蒼分几席峯巒供鬚鬢
蘿髮風濇濇鮮花湮庠窳水中流溯濤聲自開雅游事
杖笠朋輩喜相從山尊佐風流孤雲釋屨縱攀藤梯危
巔拂袖雲掀弄苔間認舊碑紹熙年溯宋古人不可見
閱世風燈送林颺忽暗生坐添涼靄重幾杵晚鐘撞醒
我塵中夢蒼茫野煙起飛塞丹崖空夕陽挂樹低殘紅
一抹動

陰泉吼地來冷雲流出洞眩轉珠花飛千聲咽盡瓮山
骨蔚嶙峋鬱撐琳宇棟迎葉擁高龕曼陀花獻供凸碧
綴瑤葩凹青台冰潼束芭燭其中颺蝠驚火闌陸離光
燦星潛靈俄呵從神田呼龍耕楞楞橫復縱洞底對石
分布傳爲
龍羣公坐響泉名新詩互哦弄安得波斯商鈔傳到呂
宋日月詩中竄煙嵐袖底送皺癭列奇秀磨礧去粗重
羨彼跼蹐僧一片蒲團夢盤桓日命酒但愁瓶屢空淋
漓醉濡頭滿壁龍蛇動

雷斧破空來山腰鑿一洞譬探苑委奇翠擁藏書瓮穹
窿敞幽邃蔚然鬱文棟快訪支道林清設茶瓜供松栢

雲鶴翎乳吸雪牛湏湏壁嵐花飛噴壑泉聲闐鎮日喧
耳根蕭蕭鐵騎從冷氣逼人髮立膽難縱出歟鳥歡
呼牽蘿猿擲弄誰饒第一峯匪唐亦疑宋
巖上有第一峯三字
雲繞雙脰相迎復相送鉤藤襟帶寬印薜鉤綦重一杵
方丈鐘打醒間浮夢金閃鴉背光殘陽射林空將歸還
佇立水咽暮山動

巖石太離奇治鐵鑄圓洞煙絡曇花龕泉斟竹葉盞藤
蘿做幽扉瑣瑤架飛棟陀林四座排怪石千佛供青蒸
洞脚雲白滴山骨漣空曠宵難窮賴洗人天興奇獸蹲
踞迎仙鬢縹緲從放膽立巖簷豁然雙眼縱旁洞更詭

闕慘慘怕掉弄
薜墨繡辦辦豔
摘大小朱詩籌
野鶴脚
老盤山僧送材
吹枕簟涼煙灑
衫裾重倦探巖
背巖苑
續夢中夢翹首
望黃岑甜問天
開空鈴鶻響蕭
蕭雲外
暮鐘動

未逢山隱居搜
書林屋洞空摹
博古圖訪寶高
辛盦快
茲磊砢奇天扉
敞雲棟祇樹干
花翻心香一瓣
供泉淪
青瑤流漿飲蒼
霞湏叫嘯出荒
忽怕有潛靈開
鉤衣藤
蔓牽接踵煙雲
從聳身躍層巔
意氣凌霄縱繆
篆螭盤
挈荒碑鬼呵弄
待編金石錄椎
搗補趙宋一鶴
空際翔
嘹唳遠風送松
籟山磬生涼襲
葛衫重玲瓏豁
詩心清

曠入酒夢紫翠不斷飛芙蓉削礪空夕陽催人歸銅鉗
挂樹勢

崑崙雲蟠根僊僊石剖洞譬彼扶桑藹穹然墮大甕天
巧鑱璣璫神工構牖棟鶻王龕中懸瓔珞綴清供旁穿
小洞天乳花翠落湮吟驚巢鶻翻嘯引棲猿闋游讌陪
使君喧卸輿臺從透空語自鷹入罅歡彌縱磅礴寬禮
數諧談雜嘲弄入龍占聚荀五鳳飛聯宋斷碑立榛莽
摩挲古香送刀頭玉折方鼎脚金垂重浩劫經幾秋蒼
涼幻一夢行樂須及時莫放樽罍空浮白踞巖巔點頭
頑石動

積鐵轟噴噴蒼茫開一洞寒泉穿罅流窅然嵌破瓮繞
徑藤盤蛇撐空石立棟病僧強肅客香茗呼童供昂首
飛斷雲彈指落碎渾恍訝神虬翻忽驚山鬼開我踏青
蒼來巖雲半飛從怪石森搏人千擒脫一縱空鏡懸游
鱗掬手緣可弄長劒磨嵒峒大言追賦朱山杯譙羣公
惜少蛾眉送蘿煙吹袖涼嵐花壓帽重醉枕樹根眠怕
墮蟻穴夢吐韻叢巖尖題詩薛碣空暝翠忽橫飛黃岑
插天動

夏雨

渴義推火車曉墮銀河裡金蛇掣空飛攬亂九天水炎

風變作秋人天快一洗南村酣笙竽北村賽羊豕負手
田間行禾根綠瀾瀾

秋意次韻二首

市近闢蝸廬塵喧了不至攤書秋樹根忘言得真意桐
葉時飛來蟋蟀聲滿地秋水環戶清秋山接簷翠明月
夜隨人未許片雲翳長吟思古歡曠懷千載寄

飛葉下庭柯秋氣忽而至開門眺遠山清瘦寫秋意可
惜山中雲隨風吹墮地風來更風往攪亂一山翠暝色
生蒼然孤村半掩翳美人千里遙相思渺難寄

泗溪早行

在宜章縣
西永福鄉

殘月墮泗溪，蒼鵬秋一片。怪石飛巉巖，冷雲濕灑面。荒
雞不聞人喚夢，出草店。

白旗峯

在宜章縣西南百二十里

莽山

在宜章縣南

山高高接天，羣峯壁立相鉤連。中有一峯最

秀削，云是神女曾此招飛仙。雲外鳥飛不到處，白旗縹
緲插峯巔。至今竿石留遺蹟，神錐竅蝕苔花圓。我來攀
旋躋絕頂，蒼蒼四望心茫然。蓬島方壺不可見，何時笑
拍洪崖肩。墮落紅塵閱人代，蕩搖幻夢風旌懸。徑欲誅
茅此峯下，羽衣遊戲追蹁躚。仙姝就訪芙蓉館，幢幡夜
捲兜羅絛。

黃岑嶺古杉

谿衍萬竅鳴陰籟芒屨冷踏秋雲碎老杉森立黃岑阿
蒼綠泠泠濕衣帶荒涼千載來摩挲冠簪肅對古人拜
鐵柯石榦銅根株一色到天吹古黛挈雲天矯雙虬飛
鬚鬚半落清霄外雷霆戰鬪白日昏潛靈畏避走荒怪
曾聞舜陵十六株陰陽闢闔分向背北齒誰爭膝薛長
同盟定匹秦晉大我踞其根發長嘯高飛磨颯圓穹蓋

三十六灣草廬稿卷九

三長物齋叢書

寧鄉黃本騏花耘著

文雲集

連昌

羅石友

璞

兩同年雨夜過訪虎癡拈

玉壺買春賞雨茹屋八字分韻得買春字二首
濕紅簷角飛生綠泥根擺殘書遮眼高破屋打頭矮話
雨來素心捉塵風瀟灑消息在杏花春色何人買

雞犬桃花洞文簫家比隣舊日我會訪桃花紅笑人羅
虬復此去鼓棹煙波津

石友將有
桃源之行

酌爾杯中酒醉倒春

風春

上虞王汾原明府

煦

索詩卽次翁鳳西方伯

元圻

所贈詩韻二首

清望嶙嶙迴絕塵十年宦轍早迴輪
詩囊淡寫陶元亮經庫窮搜并大春
眼豁藩籬空鴈鷗手提風雅縛麒麟
攜樽問字門如市著作由來舊等身

千里來停越客舫春溫接座欸光庭
湖煙醉吸盃中綠湘草行吟杖底青
到眼雲山全豁露驚心耆舊半零星

致明風土君章記誰嗣離騷續一經

時議聘延明府
纂修湖南通志

春夜聽閨人彈琴次賀柘農庶常韻

蠟地銅荷夜漏深驚鴻彈咽綺窗琴
一絃明月春無語萬樹桃花夢欲沉
流水多情傳別韻朝雲有怨話知音

唧唧聽到聲停處紅雨闌珊思不禁

吳芝軒茂才邀賞牡丹以詩索和次韻

彤霞深護紫泥壇枝葉敷榮簌簌攢曉雨頓醒傾國夢
東風盡掃腐儒寒豪吟不斷飛千盞春色無邊聚一欄
席地讌開裙幄會名花例作美人看

湘潭道中

斗峭瀨江插石根香風吹岸長蘭蕕昨宵新漲參差落
扉板家家畫水痕

題文雲巢畫扇

紅黃霜染幾株斑家住淫風落葉間
綠葉紛紛難補屋

秋風一枕明州山

題王湘樣茂才

友希

湘樣圖二首

湘草湘花識姓名，
煙波夢與白鷗盟。
帆開博望樣願生，
身到離騷卷裡行。
吟帙漙成蘅杜色，
鄉愁寫入鷓鴣聲。
茆廬卅六灣邊住，
煮酒邀君話月明。

投綸我亦釣湘煙，
製芰紉蘭四十年。
賈誼文章空弔水，
張融身世慣牽船。
浮家最好招同侶，
問渡何妨徑上村。
短笛橫吹秋一片，
筆牀茶竈影翩然。

張仲雅大令

雲敬

招譙湘潭縣署賦謝

錢塘風嘯海門紫，
吐汝香潮毓詩史。
葦浦樊榭葉光耀，

鬱然健筆先生起隨園太史趙陽湖束縛全歸尺藥裡

以簡松草堂名其集二雅同鉢賡次義與應叔雅學博齊名浙中稱二雅三影銀

箏奏角徵詞集名三影閣箏語手提治譜來湘中鏡波清淪昭潭

水欲雨而雨暘而暘黛壤歡謠父老喜服猛曾聞先殺

虎譚人斃虎來乎仁何止到馴雉被飾湖嶽歸風騷採

擷菁華遍蘭芷西秋簾撒桂花風一網珊瑚收海底騏

也落拓饑長驅才氣消磨笑蹶弛江水拍拍銅斗歌霜

後寒蟬嘶聒耳尋條失枝蟲屈步安得飛鳴觀天咫尺

年島佛模黃金投刺到門勞倒屣疎簾清簟薰風涼燕

寢傳餐多且旨陸莊雖乏沆瀣緣蘇門快與秦龜齒一

頭放出驕同儕聲價頓高十倍矣荒邱宰木摧為薪家

世蒿落騷竊恥惡少侵凌騎屋山玉川狀就昌黎理

偕沅陵李蘇門紹閩桃源文雲巢運昌善化羅花

漁謙譙集水月禪林消夏聯句

梵刹羅羣彥蘇門爐薰火一杓樹禽喧磔格牕燕話呢喃

儘許雄談縱都無小語花詰花西臺工染翰謂蘇門東觀

寓窺緘謂花老可才難敵謂雲巢君章識不凡謂花

雲裴頭吟襪企脚坐儘僂釧架籤抽鄴瑤絃調撥咸

暑消黃篋花涼襲紫蕉衫蘇門算馬齊歌雅驅蠅類去

讒形骸渾自放禮數未須嚴雲巢快煮三辰酒奇搜二酉

函列盤秀水陸

蘇門

品味辨酸鹹夙渴浮瓜李

集

微醺壁

蛤蜊蓮批心的的藕雪手搯搯幽籟過墻篠疎陰繞屋

杉

花

花南尋窈窕視北費雕劒

集

古墨畱蚪蚪荒苔蝕

整瑱芝龕疑佛喝蔬鉢笑僧饒聖漆崢霄烟鋪金巾地

賦幢幡同裊颺

花

瓔珞總空嵌

集

沼荇魚潛唼林葩鳥

暗鶻香雲森寶蓋水月湧慈帆舊雨簪重盍新詩稿半

芟

花

一竿曾釣海

集

雙屐過梯巖帖訪秦碑燬經撫魯

壁鏡曉霜盤鶴鶴夜火獵麋麋燕市盟新俠夷門拜老

監河冰漸咽咽嶽翠轟嶢嶢涉世鮎緣竹

花

全身雉避

簾

雲

磨驢環踏踏窟兔竄鼯鼯雪轍頻翻稿風旌慣挂

修

花

上書希

帝簡

花

學吏顧民暑向日傾葵藿

蘇門

星埽華櫬天遠追迅羽

雲

宦路鵬鷺飄逸致清於鵠塵

容瘦似獬

花

幾曾邀日敕也自詡頭銜

蘇門

此會通微契

相交出至誠

雲

枯腸勞摸索

花

短鬢對飛髭險韻爭先

押陳言莫漫攬獻將迦葉座匪弄紫泥械

花

水月禪林納涼次李蘇門少府文雲巢同年聯句

詩韻二首

橫塵霏譚屑天花落坐餘秋遲三日到月上一弦初香

炮銅猊火經繡墨蟻書吟深忘夜永齒籟滿簌簌

微風遞城柝續續生新涼依樹鳥魂醒隔蓮僧語香

花清淪露簟竹冷鋪霜儘好添高詠淋漓寫練裳

立秋日次蘇門雲巢聯句詩韻

搖落驚心楚塞涼
騷情一夜滿瀟湘
畱賓楊礙蒿三徑
招隱園荒葉半牀
夢裡煙花憐杜牧
塵中枳棘老仇香
天涯同作悲秋客
舞蕉燈前學酒狂

赴嶽廟爲母夫人祈年恭紀四首

壽山崑崙插天半
縹渺一炷生紫雲
喚起山靈注母壽
雲中親謁紫虛君

七十二峯翠斷續
九千餘丈秋週遭
我來拜嶽不敢瀆
但祝親年比嶽高

夜拜瑤章徹紫京光天壇上步虛行萬年矮樹千年竹
盡爲慈雲獻壽生

蔥龍瑞氣鬱佳哉綠字丹文玉檢開便學林邊羅漢鳥
聲聲念佛入雲來

秋雨新霽偕文雲巢家弟虎癡拜嶽沿途得詩八
首以帆隨湘轉望衡九面爲韻

久雨忽晴霽行子喜不凡恭維母介壽朝嶽進一帆母
壽得天貺敢云通至誠先拜嶽峯麓濕雲埽松杉湘流
三百里皎鏡開塵函照取芙蓉影一路秋岵岵

我生僻游覽波濤驅文辭行篋墨狼籍半是紀游詩茲

行俠豪侶又喜令弟隨篷牕開一窗出入殼負龜依然
事筆硯臥對吟拄頤秋山入腸胃吞吐生離奇

蘭皋綠被露橘林黃染霜灝灏渺無極秋色流瀟湘指
點興馬洲雲樹紛微茫偏據竊五季九龍飛殿梁堂堂
府天策亦解重文章此事足感喟寒波明夕陽

昭山折湘流逆泝孤帆轉波紋魚鱗沙蹟鳥畫篆門
巷瀟湘色城郭露棧齷潭樹霜後脫岸花風裏沍間俗
易俗河風俗今猶善雞豚散村店稷稻聚客牕

身世久無託何妨希禽尙消受山水緣埽除文字障巖
峩大圍石福地紀道藏龍虎凝紫煙火燒丹鼎場定有

古仙人山雲坐供養扁舟不可卽搔首徒吟望

崑崙空靈岸蔚若雲霞生寂寞屹江滸奔峭叢榛荆次
舟少陵詠千載誰繼聲忽覩巖壁額署以觀音名何異
十姨廟祈禱煩娥姪懷古坐三歎作詩告虞衡

夜上昭陵灘石咽灘聲吼我船類飛鳥急趨灘風走詰
旦過樊田轉轉湘岸久又似遊武夷溪迴九曲九空翠
來吹衣嶽雲盪蚺鰐喜晤雲中君天際立招手

插天張屏風嶙峋七二扇曩遊六度經矯首詫奇變未
能俯絕頂安得認真面祈年躬齋宿禪帛敬告薦雲霧
竟埽開丁丁峯巒見料理雙芒屨泊舟衡山縣

早發湘潭寄張仲雅大令用韋韶州寄杜員外韻
秋光半在水帆脚吹早涼煙林望縹緲城郭生青黃鏤
營新編簡白頭久屈郎歸田休著錄壽世有文章時仲雅大
令作不如歸去來五章見寄
湘潭人求暮邑乘挽畱甚堅

由湘潭至衡山途中用杜工部詩韻四首

宿鑿石浦

詩史久不作江山失藻麗我來捫片石肅然整冠系大
韉開唐風一鳴埽眾嘒白日熙中天纖雲不敢翳生愁
薪橡窮死飽炙酒惠墨花飛嶙峋與石屹千歲舉酒醺
明月我亦一舟繫

次空靈岸

湘水環湘山青蒼滿一眺螺鬟如佳人船頭立娟妙岸
石忽飛出玲瓏插斗峭貼水雲霞生蕩作金碧照孤吟
發空濶聲作鳳鸞嘯昨秋此經過促裝歸粵微無詩寄
煙水苦受白鷗誚石上火急題詩逋償最要

宿花石戍

角聲吹落日荒荒下秋戍霜葉照江水紅黃颺疎樹微
涼衣上生吟望不知暮煙嵐紛渺靄山川莽盤互衡峯
歸其南矗矗青無數拖雲叫蒼茫雁與我爭路願乞紫
泥髓一勺天瓢注持歸奉萱闈壽且南山固霜鐘忽到

船斷續風前度卸帆宿花石燈底詩自賦

次晚洲

江聲瀉襟懷噴薄詩濤壯揚帆過晚洲清景不能狀飄
然一片蓂浮出湘水上煙草綠中棲雲波青四當遊興
久未騁秋懷耿悵悵嶽色壓船來倚篷雙眼放

江行謠四首

儂淚斑斑染磯竹竹淚斑斑染歡衣儂淚化竹竹化淚

歡船莫過斑竹磯

磯在衡山縣下六十餘里

衡山深深白雲間朝雲飛去暮雲還爲雲爲山不分別
歡作白雲儂作山

贈儂珍珠與儂別歡采珍珠去海南珍珠似儂得歡意

儂家移住珍珠潭

潭在斑竹磯上流

儂心湘水到底清歡心蒸水波不平多謝合江亭一箇
雨水會合歡儂情

到獄四首

到眼雲鬢扇扇開櫻鞦藤杖踏崔嵬蒼官肅客分班立
卅里長松引路來

盤陀石亦峭旋螺架石疏泉野屋多牧豎騎牛雲際出
山腔演唱進香歌

煉砂燒汞學長生欲采神芝到赤城誰料仙山仙藥賤

家家開店賣黃菁

殿瓦楞楞裊紺煙環居市僧亦神仙寓龍假虎雕山木

徧賺游山士女錢

掛巾刻賣龍虎百戲
租魂異常貨者雲集

謁嶽廟用韓吏部韻

翊贊地媼扶天公南訛德耀銓鈞中
躋配炎鶉轄首尾
瑞翔朱鳳儀雌雄
峒浮青九千丈
高穹有盡峯無窮
殿閣巍峩坐峯趾
舜樟禹栢飄靈風
威儀三公袞冕赫
典禮自代馨香通
秦皇漢武輦不到
石無封禪誣辭空
獨專火柄育萬有
壽民壽世光昭融
恭祈母年致齋肅
僂僂萬叩趨神宮
微誠疑入篆煙紫
嘉床儼覲芝雲紅

默降純釐錫壽祉何由感佑昭愚衷苦節貞操理必壽
正直端能鑒母躬黃繩道流慣禱祝羅縷根角談參同
青玉壇頭步踏斗云與天地無始終安得築雲奉母住
朝真曉夜邀神功暝色微茫落殿瓦聖燈巖壑開朦朧
五嶽分雄幾競秀西華西峙東岱東

遊嶽紀勝十四首

接龍橋

嶽脈蟠南維一鑿豈斷絕啗彼山若人片石蜿蜒接

進道坡

峻坂當面迎滑滑勢陡落一蹴上天梯中間休住腳

絡絲潭

高源下紫蓋曲折流沄沄天風吹不斷一絲絡白雲

玉版橋

跨澗飛秋虹峭石竦奇怪枯松踞石栽一幘雲林畫

半山亭

叢蘿捫千尋回頭怕下看嶽髻雖未窺煙雲喜得半

丹霞寺廢址

笑彼丹霞師木佛燒舍利何如野火飛燒盡丹霞寺

南天門

巒岫芒鞋底班班立兒孫揮手謝塵侶我到南天門

觀音茁松

孤高能讓風蟠屈必南向不拜落伽人森然揖古丈

上封寺

一杵上封鐘壓頭詫天矮撥開頭上雲手中有鐵拐

望日臺

海湧火晶盤滿眼紅霞射嶽頂已平明人間纔半夜

舍利塔

舍利在我心光明照四海荒塔峙空山不受如來給

老女覩

絕頂太陽泉一線雲千轉今古清泠泠流出老女覩

捨身崖

惴惴瞰危崖壁削千仞下除却報君親此身安敢捨

試心石

雲海盪胸襟空曠四無極此心久超然飛立天際石

登祝融峯頂歌

蒼雲堆磊九千丈我騎赤鳳徑飛上盡洗平生邛壑胸
四寓空明眼一放罡風吹老五峯秋峯雲下吐身上浮
南天門邊難插腳攬身更踏祝融頭祝融去天一尺五
呌開闔闔共天語烏蟾醉跨雙紅輪戲撼天心第六柱
低頭下瞰幾千里人間都化浮塵紫一絲縈白瀟湘煙

半杯瀉碧洞庭水東望粵海南豫章咫尺雲樹分微茫
羅浮兩螺露黛影匡廬一粒凝青光旁拱層峯七十一
偃僂柄持萬笏立紫蓋倔彊不肯朝氣欲爭雄頭總屈
金簡玉珮埋峯阿王母離宮馨香多人皇九首盤古臂
石竈秋深挂薜蘿地老天荒等一夢火芝枉費仙人種
我欲推開石廩門券借天糧活萬眾

唐子九

銑

吟秋圖

擁書秋滿屋磊落抱詩筒遠韻流雲鶴寒吟笑草蟲琴
心桐井雨巾角桂闌風得意含毫邈翻嫌畫未工

答周介夫

鳴鶴

疊謁嶽廟韻

昔君京畿作寓公巖然交我人海中酣歌烏烏碎擊筑
意氣傾罩幽燕雄宣武坊西夜過宿街漏聲斷談難窮
不然醉踏蘆溝月橐駝背上吟曉風黃金揮去黑貂敝
天闊仰叫無人通驅車別我走吳會雲水要洗雙眸空
三御九峯侍琴鶴斑斕隊舞春融融詎料威梓詔遠討
披仙取返璇奎宮手扶輻輳蹠歸里淚珠血透縷麻紅
我亦歸來志不得饑寒縛束愁煎衷卧看屋梁白偃仰
隨流未解攀曲躬浪拋書劍到邊徼猶花老烏羣與同
牀頭屢共兵子語蹠盤徑擬纓請終故紙叢殘百城擁
著書誰冊儒生功漸春禪關喜把袖

介夫時寓長沙塔北城外鐵佛寺

燈話對搖牒牒呵壁茫茫共招屈投詩寄弔湘流東

丙子九月吳芝軒招同周介夫文雲巢暨虎癡小

飲鐵佛寺後一笠亭次芝軒韻二首

亂石槎枒插雨旁一亭陰接樹疎黃攢眉對佛來元亮

吐舌生花學廣長五季園林荒劫火

五代馬氏會春園故址卽今開福寺

距鐵佛寺里許

百年身世鍊風霜眼前秋色渾無賴搔首蒼茫

立夕陽

爛醉秋風古佛旁新篘酒熟壓鵝黃遙山落几分僧瘦
野竹過牆北客長看菊休尋彭澤雨擘橙還憶洞庭霜
詩成共剪湘波寫未羨傳鈔遍洛陽

亡妻劉孺人週忌日二首

見面已無日傷心未死前廿年同苦樂五載得團圓

伉儷

二十三年余以奔走四方計聚處不過五年永訣爾何忍長離天不憐空幃

支獨枕夢亦阻重泉

週歲慙無淚恐添慈母悲惟牽雨幼女暗度聲入君容儀

生死緣都斷恩情誓未虧淒涼舊時笛癡婢倚聲吹

人孺

善笛

次韻題楊菊泉解元

延亮

小照二首

洗眼山根綠一隈吟蹤儘被野雲猜松風謾謾清於鶴
人是羣仙領袖來

翛然紙上買青山涼翠飛衣石對開一枕思君他日夢
天風吹落畫頭間

尋春詞次龍三雲東韻爲其姬人綠荷作十首

藍橋有約誤來遲
喚燕喃喃蜨浪疑
林下慧心原具眼
王郎天壤罵凝之

紛紛擇壻六萌車
生小羅敷自有家
淨植天然泥不染
佳人難得喚荷花

鸞釵分股卜良期
天與溫柔一段癡
團扇花邊羞見面
風流傳和謝娘詞

名士傾城兩愛才
傳來蘭訊屢驚猜
店中拾取飛龍骨

消瘦憐卿病一回

朝雲無夢化高唐轉轉車輪九曲腸
惱煞尋春紅拂墓郎當負約是三郎

龍門纔稱伴清娛沙利何緣奪麗姝
可笑冶遊人薄倖蔡奴簾外撒明珠

宛欵琴心早暗傳牀頭私語阿嬌憐
那番瞥見曾留意記得堂前學簸錢

荷絲難斷信堪嗟觸手纏綿折更賒
不遣飛花學楊柳東風吹去落南家

紅袖添香夜詠豪春風領取喜多遭
昌黎亦是癡情種

留得新詩憶絳桃

別離滋味遠游身我亦千金悔買春畢竟封侯成底事
凝粧愁絕倚樓人

泊巴陵登岳陽樓

飛渡重湖泊短舟雲邊曳杖問巴邛湘絃遠咽家山夢
仙笛橫吹楚塞秋天入波濤青壓水人隨煙雨綠登樓
唐賢宋風流渺嘯傲題詩最上頭

丁丑訂偕北行新正五日漢上投店

聽雨郵亭火一篝春寒夜理鷓鴣裘漢陽煙柳回青眼
京洛風塵夢白頭三十年隨征轂轉四千里策蹇驢游

紛紛就宿新豐店獨飲何人識馬周

漢上旅店與龍雲東夜話二首

軟紅塵土白雲鄉款款春風送雁行
短劍天涯寒對酒孤燈旅邸夜聯牀
縫衣篋有慈親線拜月鑪添少婦香
多謝江船鳴鐵鹿載將歸夢到瀟湘

簷鳴繩溜夜牕虛幾日淹留待詔車
春色遠傳河朔雁行人愁食武昌魚
風塵跳盪雙芒屨身世蒼茫半麓書
深愧迂疎重射策酒壚憤鼻脫相如

手車謠

片簾支篷開一甕前人手挽後人送
千里萬里無停輪

關山碾碎深閨夢

孝感道中六首

界河北去望沉沉
霽雪橫空疊遠岑
最好木蘭山窈窕
雙丫髻頂插瑤簪

東風梳綠柳魂醒
草屋泥墻傍驛亭
幾隊紅衫青抹額
拜年時節婦歸寧

車輪百轉曉班班
犖确山行路複環
鉤住征衣畱過客
數椽村店棗林間

濁醪買醉倚行滕
浪唱鳴鉦市沸騰
紙剪魚龍跳飯子
也裝百戲演春燈

二郎坂下草蕭蕭
踐踏曾經戰馬驕
亂石橫飛山矗立
盤盤兵壘築雲霄

山尖土壘重重連匪
滋擾時築以防禦

烟嵐合沓抱嵒嶭
遞報郵籤又幾程
客裡春風身入畫
萬山青送小車行

汝寧道中

麥氣侵衣綠未齊
短轅呀軋轉春泥
天開大野荒荒遠
山到中原落落低
警馱嘶馳河北馬
征魂喚醒汝南雞
平輿月旦人何在
生世升沉待品題

大梁覽古二首

落日長河王氣銷
朱梁趙宋幾昏朝
金堤障潦橫千里

鐵塢摩雲屹九霄
豎子功名成廣武
孤兒社稷擁陳橋
頽垣廢殿休尋問
滿眼煙蕪鎖寂寥

詞賦鄒枚溯昔游
繁臺歌吹冠中州
荒涼世代蝸雙角
莽蕩河山貉一邱
劍氣夜沉朱亥市
燈光春冷李師樓
美人俠士俱黃土
泱泱無情汴水流

河北道中

跣跋黃塵白晝陰
鐵輪磨碾轍溝深
短鞵瓊笠掀鬢坐
高唱幽燕馬客吟

拜李文正公墓兼弔法梧門先生二首

荒荒高塚卧麒麟
草樹蕭條異代春
爵酒僭稱詩後輩

知公喜我是鄉人

賡酬折柬讌名家歲歲春尋墓上花今日詩龕人不見
一樽重奠小西涯

出都至清河十四首

天門曉放榜花香又勞疲驢促理裝歸詫親朋惟一事
西山春色壓詩囊

五雲宮殿湧崔巍敕賜羣仙飲讌迴遮莫神風帆引却

也曾三度望蓬萊

己巳辛未丁丑三
試禮闈卷皆入薦

祕閣傳批聽喚名親王上相費推評談經溷占師儒席
分拜天家一命榮

旅食京華騁壯游春婆未醒夢悠悠一溝斷續桑乾水
流得英雄半白頭

征路光陰雨轂磨迴環軌帶碾成渦生涯自笑輸行販
卧聽風鈴鞋駱駝

輓輓雷轟過短貂琉璃河跨石關橋旛竿猶認金元蹟
雨洗煙磨鐵一條琉璃河

北狩微欽舊恨多荒溝橫畫咽寒波忍饑死憤張嵇仲
不肯吞聲過界河白溝河

鰕菜魚羹小市饒長堤流水送瀟瀟垂楊影蘸春波碧
鏡裡東風十二橋趙北口

北際南陲蹟未湮
蒸沙裹鐵屹重闐
風流苦死公孫瓚

軍令樓頭唱婦人

鄭州

家家賭唱嚙珠龍
姹女如花顙暈紅
絃索四條春在抱
檄檄未羨數錢工

河間

墜絮飛花滿店門
檀槽私語夜燈昏
塵勞似我何堪聽
抖擻征袍看淚痕

倚鞍彈劍發長歌
曠野天開四望多
暮色依微生馬背

搖鞭驅渡古黃河

馬頰古河
在清河界

末杯城上亂雲橫
孤女渠邊春水生
芳草綠遙雙隻候
鞦韆愁吹入遠笳聲

鹵沙走地白紛紛寂寞孤城挂夕曛漢代荒陵何處是

野花紅撲貴人墳清河卽漢甘陵地

至清河謁十九伯父湘寧蒙賜以詩次韻二首

水利倡畿輔碑搜曩哲題丙子秋運河水溢伯開渠導水邑賴其利後搜渠旁僣碑

言明天啓中開渠之利一一昭合治無妨吏卧俗已豁民迷政譜六年

著除書三殿齋櫺軒欣侍飲益壽晉玻瓈時值重午

追憶舊游日晚香花共簪晚香堂在大名郡齋伯與先府君讀書處嚴親嗟

久背世父繫初心守拙空全璞觀光遲去韓獻琛翻階砌

蝶上料理冷官吟

河朔旅次八首

千里辭京闕迢迢旅路長浮雲橫涿鹿落葉走漁陽彌
望極寥濶勞生增慨慷防身畱一劍加飯慎風霜

俠少矜材武酣游氣益振張置防狡兔縛帑養鵠鶩俗
尙殊三輔馳驅閱兩輪元規誰借障衣上積黃塵

游覽半燕趙古懷生莽蕪才人嫁所養俠士老屠沽易
水秋風冷叢臺夜月孤悲歌聞市肆鞍馬立踟躕

彌勒生臨劫妖書煽醜徒朋淫宣婦女羣幻聚師巫自
外編氓籍難寬

聖世誅屢聞

天詔下火急速逃遁

四野天籠罩蒼茫幘歌草荒驅殺漚風繁落駕驚笑
擁雛姬唱愁逢醉尉呵行行問前道踏月渡滹沱

一片鄴中土風流魏晉開浴池燒垢水總帳泣空臺石
虎徒堪鄙曹瞞未足哀奸雄荒譙歇滿目長蒿萊

飛鐸滿平野秋風漳水生懷人薊門樹卧病甘陵城櫪
馬勤歸思邊鴻傳遠聲天涯感搖落獨客倍傷情

黃流飛一綫悵望渺如何淘洗英雄盡銷沉戰伐多屢
朝防險要兩戒畫風波太息宗畱守蕭蕭喚渡河

過大名城

先大父曾
守此郡

大父曾經駐五驄北門屏障古天雄園亭遺愛畱韓相

鎮鎮威名說矮公
黎庶尙知懷舊德
子孫何以紹家風
垣墉百雉過憑軾
匣硯摩挲櫛沐中

長垣道中二首

疎煙綠潤頗陵棗
曉日紅蒸古貝花
趕市人多秋大熟
驅牛緩駕四輪車

邊天莽莽白雲橫
倦倚征軺計里行
殘柳尙餘眉黛色
秋風吹綠婦姑城

渡黃河二首

關門幾日過臨洺
問渡黃河一葦輕
九曲界分天下險
千年波爲聖人清
蕩搖星宿來荒漠
淘汰塵沙出大瀛

渺渺仙槎虛奉使中流擊楫慨平生

瓠子宣房築偶然泊河終古策難傳防秋屢勅中樞尉
徵役頻頒少府錢誰議疏渠推賈讓徒聞鑿空笑張騫
荒茫禹蹟遙堪指碣石青拖海外煙

泊洞庭登扁山

橫踞湖心卧黛長人歸直北繫征航四圍天地浮空濶
半壁雲濤入混茫落落騷情留屈子泠泠仙奏緬軒皇
魚龍怒慘休驚避面目重來舊楚狂

王汾原山長招飲他山廡廬次韻奉謝

紺錢鱗櫓塼墻高築屋湘城旅况豪勝開水雲安眷屬

吟聯風月坐賓曹
牛房秀石分鐫米
滿囊新書合錄陶
檢點觥籌勞折柬
菊花屏底醉持螯

征袍飛曳朔雲高
游覽徒矜膽氣豪
雙脚塵忙追健卒
一官鐵冷列閒曹
船頭夜雨歸湘麓
枕上秋風夢館陶
酒坐賡酬詩味別
莫嗤東野嚼空螯

祀竈夜口占

層層避債築臺高
卒歲綢繆笑太勞
小市春聲生爆竹
舉家歡味動香醪
幃前婦勸團年飯
燈底兒分祀竈糕
檢點舊詩聊自祭
風流未讓閩仙豪

次韻送張松山

克謀

往衡陽兼題其詩集二首

浩唱追前詰蒼茫獨立今仙風標鶴骨清響落琴心此
調復誰和予懷聊與深蘆簫滇海月聽按竹枝音

集中
滇南

竹枝
最佳

夢結十年契相交纔自今殘籀知己話短劍古人心別
柳不堪折湘流無限深衡雲瞻咫尺來往雁傳音

畫牡丹二首

染衣酣酒倦朝寒脫稿風流取次看一夢古今春不醒
沉香亭子玉闌干

中人戶破一叢花仕女喧闐洛下車浮世春風堪絕倒
紙屏山底鬬繁華

簡署看蠟梅次韻二首

飛廊斜桷外一萼破煙明凍入酒痕瘦香同人影清山
雲留斷夢林鶴續前盟索笑依官閣修來更幾生
風態羸天秀疎疎照眼明一枝寒獨折迺夜夢俱清冶
士酣聯詠佳人澹拜盟儘傳春信到不傍驛亭生

三十六灣草廬稿卷九終

三十六灣草廬稿卷十

三長物齋叢書

寧鄉黃本騏花耘著

徐香莊 大綸 畫梅

山陰道人耽畫梅
抹雨塗煙絕師授
高標未肩吳仲圭
野趣突過楊无咎
絕叫潑翻墨一盃
至壁帶繩噴篆籀
老蘚枯苔落斷棘
冷蕊疎花照深黝
綸鶴翩飛雲翮孤
蒼虬僵蛻鐵骨瘦
豪情抑塞風蕭騷
六十一官壓百僚
曾聞戰撼五溪水
橫磨長劍誅紅苗
竹王宮南碎銅鼓
血花飛濺蠻錦袍
箭瘢刺骨滿腰膝
夢魂怕憶秋風鏖
但畫梅花消塊壘
枝柯亂迸森戈矛
兵甲蟠胸梅脫手

英氣颯颯迴長綃今日刻章刻卓薦老梅頓喜開生面
休將癡幹恣倔彊要把繁枝鬪婉孌眼看得意驅京華
迢迢郵牆與驛店歸來還種花滿城春風萬樹詩萬卷
對雪用蘇文忠公聚星堂詩韻

叢殘書籤響亂葉灑牕一夜風吹雪眼豁頓驚詩界寬
腸鳴預恐厨供絕茗鼎熬泉凝不溫飯甕燒松濕難折
迢迢荒店酒價長落落窮巷人徑滅簷角條垂獨起敲
牀頭簞破誰借掣愁沾塵鬢增老蒼喜墜麤衣爛花纈
未嫌大嚼怯噤齒正要高談佐飛屑生涯自笑等混茫
好景難令坐飄瞥憂樂難教兒輩知饑寒羞對妻孥說

擁鼻吟酣書不成墨波凸裂硯池鐵

戊寅歲除日用蘇文忠公岐下歲暮詩韻三首

歲晏通殷勤人事宜有佐甕盎搜旨蓄鹽豉料家貨斯
意良不薄其物詎在大感彼姚江仁念我委巷卧清分
岳牧俸粟紙紅爛座饌米廿四斛長胥出官磨時翁鳳
西方伯
以官厨
米見饋往年食剝鞘且節苦難過飽德喜今朝我頌舉
室和饋歲

算到百年日歲行喜倏遲那知彈指去一別渺莫追春
風苦催促芳草綠天涯安得置閨臘畱歲住少時世人
不惜歲甘心艷膏肥遷流趣行樂而我心獨悲歲與我

相值四十二回辭何術學長生百別顏無衰

別歲

書就宜春字凍墨蟠蚓蛇驚心歲告換黏帖轉攔遮盡
夜聊坐守畢竟奈歲何癡婦圍壩話頑兒索果譁翻背
餽盤酌尙喜臘鼓撾短漏怯更轉高花愁燭斜今歲祇
今夜萬感生蹉跎但祝夜莫曙長作今歲誇

守歲

題宮姬倚熏籠畫

曲終河滿月臙隴舊日深恩記夢中長信宮荒秋夜冷
溫人餘火抱熏籠

鹽汁無聞灑輦塵久辭進御洗啼顰內家歌舞春多少
寒倚熏篝見一人

題邵香伯

梅丘

指墨山水

墨戲神奇無不有
顛醉濡頭幻喫口
邵君作畫殊絕倫
不慣使筆慣使手
掉舟吳越來長沙
廿年旅廬湘江涯
名動諸侯競延致
指揮如意流滂葩
晴牕拓絹耀金碧
袖中擎出五蓮花
豎指抹山橫抹水
蒼然成霧丹成霞
皴痕鏤篆脫彝簞
竊劈大斧碎披麻
懸藤爪枯攫老蟹
怪樹臂斷撐夜叉
以指喻指指非指
抄義始解詮南華
手指懸槌笑市賈
但工數錢類姹女
流涎染鼎恣饒饕
翻手爲雲覆手雨
何如天龍一指禪
飛灑變滅生雲煙
手斂薑芽我雕拙
喜題佳畫同君傳

題施竹香茂才仁贈陸茂才指墨畫簃

竹香善畫以竹名五指飛作青鸞鳴與酣淋灘掃素扇
竿竿玉立秋風生風流持贈天隨子人竹蕭疎兩相似
一船同客多竹鄉夜泣湘娥嘯山鬼斑斑添畫淚痕深
萬綠煙搖瀟湘水

移居次韻酬江寧陳紫岳茂才元富二首

一椽瞰湘郭列屨分東西嶽黛畫飛棟水花春護隄饑
寒研舊學風月換新題暫假塵勞息生涯愧隱棲
湖海君豪甚牽船遠去家族愁湘廟竹鄉夢秣陵花古
契襟期合中年感嘸賒疎狂無點墨笑我讓劉叉

題唐受堂儀部

業謙

紀游詩冊卽送其北上

頻來冠蓋慰離居
袖裏新詩錦不如
豪覽山川歸司去聲
馬淚吟風樹慟皋
魚劇憐弱妹埋幽
壙愁送郎官擁傳
車一女待年勞付
託無因重寄大雷
書

湘陰道中二首

棱棱荒畦百里遙
人煙近郭漸紛囂
縣官課入湖租薄
市僧繼餽版籍饒
水竹烏啼羅女廟
石花鷗浴鄧婆橋
屈潭重擬投書弔
浩蕩騷魂不可招

沙壘銷沉舊戰場
寒流嗚咽繞羅湘
十三鎮將盡草竊
八百里湖明火光
祇劫幾經殲闖獻
忠魂至竟痛何章

何總制騰蛟 忍頭陀賦天門詠畱得餘哀異代傷陶待

章巡撫曠 都賢號天門有洞庭秋三十首郭尚書

嘉慶二十五年十月 本驛 奉委齎奉

仁宗睿皇帝遺詔謄黃宣示岳瀧二府州恭紀二首

捧到

先皇詔紙黃跪迎鵷鷺肅班行湖天黯慘神靈泣風雨

連宵住岳陽

驛樹颼颼落葉聲鞭梢指點到車城哀思

帝力安耕盤壤與轅童傍馬迎

華容道中二首

防湖聽說警鳴刁伏莽如何氣尙驕

近聞湖船患竊

武穆屯封

旗捲草法和幢豎賊懸標松風舊驛驄蕭颯葦火荒洲
雁寂寥惟見章華臺畔柳支離猶擺楚宮腰

容城風物落吟鞭寢墓滄桑感昔賢石壁藏書聞憲學

草堂遺笏拜忠宣墨山剝剝飛晴黛沱水沈沈澹夕煙

今日舊家門第在喚名花裏幾人傳

忽聞花裏喚黎淳相傳文僖公大魁

時同輩謫贈詩也

湖上卽目

築屋臨流枕釣磯槿花籬落荻苗扉湖雲長養兒孫眾
洲草耕鋤稅課稀舉網跳魚衝浪去卸帆棲鷺背船飛

眼前活潑觀天化悔我塵勞百計非

早春遊郝坡山莊

曉蹋湘山一角春鬢毛寒颯裏重巾雲隨短杖自來去
我與梅花誰主賓擺脫風塵閑倦眼攀梯巖壑著吟身
浮名不換煙蘿癖天放疎慵作野人

廢鏡

爛蝕銅斑綠光韜月一輪似銘秦代篆定照漢宮人色
相空今日模糊孕古春銷磨塵劫盡端不悔沉淪

登黃鶴樓

江流瀨渺白雲蒸放膽高吟最上層來鶴一聲仙不見

斯樓千古我重登關山躡蹻愁兄弟

時偕虎癡北上

風雨題襟

暢友朋

是日晤賀防汀學博周介夫大令

吹醒梅花橫鐵笛倚闌買酒

醉瞢騰

贈湧月觀女道士

裹髮塵封鏡黃緇換道流琳宮依漢水珠誥拜丹邱種
藥龍耕地畱雲鶴在樓何時尋萼綠歸作九疑遊

雪行河北道中

銅鈴凍咽走征羸九郡齊州眼底過大雪脊飛埋白屋
層冰曉踏渡黃河秋屯野聚饑寒少古俠民畱慷慨多
祇有健兒閒不得天風凌厲射駟騅

都門送仲良往山西

艱難與爾遊京師冒雪衝風挽車至祿命頽唐守磨蝎
春風並下南宮第贈勞慙孤戚舊心門間望竭慈幃淚
歲月早知苦蹉跎精力枉教耗文字何如傭保潤市廛
賣漿蒸餅了生世送爾西行豈得已汾水白雲緬無際
禮門先生丈人行同年况齒中表弟謂丁萼初簡編商榷頗
不孤努力明春更一試我今歸家終奉母但成小草無
遠志巫水寒氊坐把鐸苜蓿如飴領滋味窮愁倘著篋
中書安知厄我天無意臨歧揮手神黯然旅食依人悵
非計

過上蔡縣詠史

青布蒙馬獅子舞神兵枉幻忽斜虎徒矜服氣充軍糧
床帳先生煽妄語嗟哉承麟長城壞遷陝計沮迺遷蔡
黃衣青笠何凋零選色徵妃尙荒沐君臣草莽聚一城
宮中猶起見山亭芟刈田租慮齋盜調遣戶籍誰知兵
宋將孟珙元嘯盞長驅合搗孤城撼陳汝約畫半壁分
仇讐始復兩宮憾所喜金亡臣未亡抗節誓死辭慨慷
臨安俘繫張天綱

過九江望匡廬峯

踰險北歸志不得扁舟獨掉過潯陽匡君抗手遠相迓

旗旄列仗排青蒼凌霄一炷鑪煙直
舉地九疊雲錦張江流轉轉抱飛黛
窈窕影動晶奩光噴薄有情吐奇秀
雕鐫無語開混茫謫仙永叔久不作
寂寥終古窮篇章舟行迴復遶山棗
雲花帆葉隨低昂我愛看山山看我
怡然晤對神相忘瀑簾千仞挂絕壁
耳根風籟鳴琤珩安得一瓢日坐飲
滌盪積痞滿愁腸前行瀾霍秀遙峙
神風又借辭馬當

過皖江贈陶雲汀方伯

分襪都門六年別掉船千里相訪謁
文章經濟翊昇平使君望協當代傑
烏臺鐵面函封章豸府冰心表陳臬

清德威型岳牧師黑頭快把封疆節皖城今日專雄藩
天柱雲高聳截巢八郡風行室礙通羣僚威憚苞苴絕
壽持韓相官儲充事啓山公吏選悅遮眼文書照不疲
棘手獄讞斷以決檢防遲篋兼惜陰料理竹頭與木屑
祖風不愧長沙公一勤牢補百治缺杵臼盟交二十年
風塵困我坐顛蹙迂遲真類騎土牛蹙蹙還嗤策跛鼃
骨相分非公輔器許身何愚比稷契手提空鐸歸瑤山
青氍冷坐何由熱昌黎爲雲東野龍天淵安敢跂顏頤

登大觀亭

在安慶西
北城外

豁眼蒼茫徹畫圖翼然高瞰一亭孤雲邊樹影青分楚

天際江流白入吳鴈
風生聞鼓柁蛟臺浪靖
喜懸弧

忠宣埋骨崇封在細
讀殘碑撥莽蕪

元余忠宣公墓在亭左

飲周節庵宅聽沈山人彈琴時黔陽大令王香杜
先生解組將歸以詩索和次韻奉答

載石歸船下鬱林
蠻歌厭唱武夷深
宦情冷咽枯蟬腹
秋思清生古鶴心
餉客飲酣公瑾酒
移人聽倦沈遵琴
風流聚散寒溝水
難得天涯訂盍簪

蕭騷秋籟滿瀟湘
篆裊鱸煙半榻長
相對頓驚絃指化
無聲轉覺意言忘
黑頭清望推中令
白髮前程耐老郎
冷抱琴心堪一笑
隨緣選佛也登場

時余選城步司訓

七夕招王香杜大令周節庵刺史陳紫岳茂才張
蓉裳孝廉泥飲頤園分韻得衣字

偶聯文字飲清欬屑珠璣薄煮茅柴酒涼寬薜荔衣茵
蔬供野饌瓜果出中幃今夜秋星渡應占聚德輝

頤園小飲次韻酬張蓉裳

城西高閣數弓幽嶽黛湘流半面收寶從雅聯新舊雨
園林同感古今秋美人金粉畱脂水帝子文章燼選樓
園爲前明吉藩邸內地
繞園方塘猶存舊址異代繁華歸寂莫把茅容我縛
瓜牛

原作

張家渠

離屋簾垂客具幽談深伏暑氣全收天清星漢初更
夜地闌繁華勝國秋佇月更開行樂圖挹雲商若看
山樓園有隙地紫岳團圓何似朋簪樂醉擬乘查叩
女牛

王香杜大令將告覲東歸有遮留者彊之復出張
蓉裳有詩送別大令畱飲江閣和韻二章情詞
惘惘余亦追和却寄

宦緣難了簿書堆呵那秋帆又展開和曲門生吹笛送
銘謂范乞詩蠻女獻花來天邊鷓鴣何心喚樓際芙蓉着
意裁黔陽古龍標地王江寧謫尉於此後人慕其詩將
潤州之芙蓉樓借建其地數百年來遂成故事

話別畱陪江閣讌鯨濤醉吸掌中杯

入瀏口

急瀨喧吟枕高春散宿鴉篙尖磨短鐵船底咽頑沙巖
蘚秋浮翠林霜曉綴花臨流幾莊戶耕釣課生涯

瀏陽歸舟疊次家蔭湖

本齡

韻四首

歸塗恭奉母促聚片篷中秋氣銷征柝寒聲轉律筒

是日

交水枯干石險木落萬山空隱約通梅信香吹嶺際風

弱女初離膝憐深絮語中嬌啼牽別袂癡淚滴吟筒蘿

蒿欣能託門相望未空勗哉林下範莫忘

去聲

大家風

山色洞陽好蒼然瀉鏡中危樁開水閘飛溜放炊筒

船名

積雨陰垂岸燒雲火入空紆迴程幾日十里九灣風
煙拖荒剝外舟激亂流中林鷗翔齋磬灘魚響釣筒茫
茫愁舉目咄咄感書空婚嫁情懷惡難希作達風

出瀏口

遠近紅黃樹沿流記驛程市樓攔水架溪艇曳簪行瀏
口千盤出湘山一髮明離憂暫消遣狎訂白鷗盟

三十六灣草廬稿卷十終